

張氏醫通

張氏醫通卷十二

長洲石頑張 啓

男

以柔安世

訥遜言

參訂

嬰兒門下

夫人習尚不同趨舍各異痘疹一門向得涵高兄採輯諸家方論備列醫通其間方藥多有以意參易者惜乎筆削未竣完璧難求志兒心折其學因命續貂系以麻疹諸例庶不失先哲二者並名之

義云

錢氏痘疹論

小兒在胎時食母五臟血穢生後其毒當出故痘疹所發皆五臟之液。肝水泡其色青。小肺膿泡色白。而大心爲斑其色赤。小脾爲疹其色赤黃。瘡疹欲出五藏證具。惟腎無候。但耳涼尻冷是也。瘡疹出時辨視輕重。一發便出盡者必重也。瘡夾疹者半輕半重也。出稀者輕。裏外微紅者輕。外黑裏赤者微重也。外白裏黑者大重也。瘡端裏黑點如鍼孔者勢甚也。青乾

紫陷昏煙汗出不止煩躁熱渴胸脹喘喘大小便不通者因脈也。凡瘡疹當令毛孔微開不可令機及受風冷致結。下之難也。有大熱當利小便有小熱宜解毒若黑紫乾陷者百祥丸下之不黑者慎勿下。更看時月輕重大抵痘疹屬陽出則春夏爲順秋冬爲逆又當辨春膿泡夏黑陷秋斑冬疹亦不順也。黑者無問何時十難收一其候寒戰噤牙或身黃腫紫。急宜百祥丸下之復惡寒不已身冷汗出耳尻反熱者死。腎氣大旺脾虛不能制故也。下後身熱氣溫欲

飲水者可治脾旺勝腎寒去而溫熱也治之宜解毒
不可妄下下則內虛多歸於腎若能食而頭焦起
或未焦而喘實者四順清涼飲下之若身熱煩渴腹
滿而喘大小便濇而赤悶亂大吐此當利小便不瘥
者宣風散下之若五六日痢不焦是內發熱熱淫蒸
於皮中故痢不得焦宜宣風散導之用生犀磨汁解
之便熱退痢脫矣○瘡疹欲出先欠呵頓悶肝也時
發驚悸心也乍涼乍熱手足冷多睡脾也面腮頰赤
欬嗽噴嚏肺也此四藏證俱見惟黑者屬腎也瘡疹

乃五藏之毒內一藏受穢多者出則歸其藏矣

丹溪參補陳氏痘疹論

小兒瘡疹大抵與傷寒相似發熱煩躁臉赤唇紅身痛頭疼乍寒乍熱噴嚏呵欠嗽喘痰涎始發之時有因傷風傷寒而得有因時氣傳染而得有因傷食嘔吐而得有因跌撲驚恐瘀血而得或爲竄眼驚搐如風狀或口舌咽喉肚腹疼痛或煩躁狂悶昏睡自汗或下利或潮熱證候多端卒未易辨須以耳冷尻冷足冷驗之蓋瘡疹屬陽腎藏無證耳與尻足俱屬腎

故獨冷又不若視其耳後有紅脈赤縷爲真候調護之法首尾俱不可汗下但溫涼之劑兼而濟之解毒和中安表而已虛者益之實者損之冷者溫之熱者平之是爲權度如庖人籠蒸之法但欲其鬆耳蓋毒發於表如苟妄汗則營衛一虛開泄瘡爛由是風邪乘間變證者有之毒根於裏如苟妄下則內氣益虛毒不能出而返人焉由是土不勝水變黑歸腎身作振寒耳尻反熱腹脹黑陷十無一生汗下二說古人深戒以此視之瘡疹證狀雖與傷寒相似而治法實

不同傷寒從表入裏瘡疹從裏出表故也如欲解肌
葛根紫蘇可也。其或氣實煩躁熱熾便秘則犀角地
黃湯。或紫草飲。多服亦能利之。故雖云大便不通少
與大黃尤宜斟酌。若小便赤少者。分利小便則熱氣
有所滲出。凡熱不可驟遏。但宜輕解。若無熱又不能
起發也。○瘡疹分人清濁。就形氣上取勇怯。凡已發
未發。但覺身熱。證似傷寒。疑似未明。先與惺惺散。參
蘇飲。熱甚則升麻湯。人參敗毒散。張瀾高曰。上方俱
難應。用當以輕劑
透表一見紅點。便忌葛根。恐發則表虛也。凡痘瘡初
爲妥。

欲出時身熱鼻尖冷呵欠欬嗽面赤便宜升麻湯加
山查大力子則瘡稀疎易愈凡痘瘡發熱時法以惡
實子爲末蜜調貼顙門免有患眼之疾凡初出之際
須看胸前稠密急宜消毒飲加查肉黃芩紫草減食
涼加入參初出之時色白者便大補氣血參耆朮草
桂芍芩歸若大便瀉加水香肉豆蔻初起時自汗不
妨蓋溼熱熏蒸而然有初起煩躁譫語狂渴引飲若
飲水則後來膳不齊急以涼藥解其標如益元散之
類凡瘡已出可頻與化毒湯當去升麻出不快者加味四

聖藥或紫草飲紫草木通湯及快斑湯出太甚者人
參敗毒散。色赤犀角地黃湯疎則無毒密則毒盛宜
多服涼藥解之。庶無害眼之患。爐灰色白靜者作寒
看。齊湧者燥者。炊發者作熱治。○黑屬血熱涼血爲
主。白屬氣虛補氣爲先。中黑陷而外白起得遲者則
相兼而治。凡痘瘡分表裏虛實吐瀉少食爲裏虛不
吐瀉能食爲裏實。裏實而補則結癰毒陷伏倒靨灰
白者爲表虛。紅紫綻起爲表實。表實而復補表則潰
爛不結痂。痘瘡分氣血虛實。虛則黃蒼養營活血之

劑佐以風藥。實則芍藥黃芩爲君。佐以白芷連翹之類。調解之法。活血調氣安表。和中輕清。消毒兼而治之。溫如當歸黃耆涼如前胡葛根。佐以川芎白芍枳殼桔梗羌活木通紫草之屬。則可以調適矣。黑陷二種。因氣虛而毒不能盡出者。酒炒黃耆紫草人參輩黑陷甚者。用燒人矢蜜水調服。癢弱者。於形色脈上分虛實。實則脈有力氣壯紅紫。虛則脈無力色淡平塌。虛癢以參耆實表之劑。加涼血藥。實癢如大便不通。少與大黃寒涼之藥。下其結毒。氣怯輕者。用淡蜜。

水調滑石末以羽潤瘡上瘡乾宜退火祇用輕劑荆
芥防風牛旁之類上引用升麻葛根下引用檳榔牛
膝佐以貝母恐冬白芷枯萋之類若咽喉痛者鼠粘
子湯如聖飲選用喘滿氣壅者麻黃湯加黃芩白芍
石膏煩渴瀉利者烏梅與棗豆黑豆作湯時溫服之
瀉利嘔逆者理中湯加木香將欲成就却色淡者宜
助血氣芍歸芍藥紅花之類將欲成就却色紫者宜
涼血解毒生地芩連連翹之類甚者犀角大解痘毒
淡白色將靨時如豆殼者蓋因初起時飲水多其靨

不齊俗呼爲倒懸但服實表之劑消息二便如大便
秘通大便小便秘通小便小便赤澀大連翹湯甘露
飲大便秘結內煩外熱者小柴胡加枳殼最當或少
與四順清涼飲瘡疹用藥固有權度大小二便不可
不通其大便自下黃黑則毒已成不必多與湯劑但
稍與化毒湯不用亦可二便一或閉焉則腸胃壅遏
脈絡凝滯毒無從泄眼閉聲啞不旋踵而告變矣陷
入者加味四聖散更以胡荽酒薄敷其身厚敷其足
噴其衣被并字蓋之若猶未也獨聖散人木香煎湯

若其瘡已黑乃可用錢氏宣風散加青皮錢氏云黑陷青紫者百祥丸下之不黑者慎勿下知其所下者瀉膀胱之邪也又云下後身熱氣溫欲飲水者可治寒戰者爲逆知其脾強土可以制水也百祥丸太峻宜以宣風散代之瀉後溫脾當用人參茯苓白朮等分厚朴木香減半爲妙蓋瘡發肌肉陽明爲主脾土一溫胃氣隨暢何憚不消耳已泄之腎水乎此錢氏不刊之秘旨也○其壞瘡者一日內虛泄瀉二日外傷風冷三日變黑歸腎○近時痘疹多宗陳文中木

香散異功散。殊不知彼時立方之時爲嚴冬大寒鬱遏痘瘡不得紅綻。故用辛熱之劑發之。今人不分時令寒熱一槩施治。誤人多矣。夫渴者用溫藥。癢弱者用補藥。自陳氏發之。迥出前輩。然其立方多用燥熱。或未適中。恐其立方之際。必有挾寒而虛者設也。痘疹多是毒氣盛。便先宜解毒。然恐氣血周貫不定。故隨後亦宜兼補。以助成膿血也。

薛立齋痘疹大要

痘疹大要與癰疽治法無異。宜辨表裏虛實寒熱。蓋

表虛而用發表之劑。輕則斑爛。重則不能起發而死。
裏實而用托裏之劑。輕則患痘毒重。則喘急腹脹而
死。裏虛而用疎導之劑。輕則難以貫膿結痂。重則不
能結靨落靨而死。治法可不慎哉。若胃赤發熱疼痛
作渴。能食便秘。此形氣病氣俱實也。雖在嚴冬。必用
四順清涼飲。以救其陰。若黑陷不食嘔吐泄瀉寒戰
咬牙手足逆冷。此脾土虛敗。寒水所侮也。雖在盛暑。
必用六君薑附。或陳氏異功散。以回其陽。此內經舍
時從證之法也。若起發遲不紅活。不作膿。不結痂。或

發熱作渴。飲食少思。此脾胃虛弱也。參耆四聖散補之。若雖起而色白。雖灌膿而不滿。雖結痂而不落。或癢塌作渴。飲湯腹痛不食。嘔吐泄瀉。此脾胃虛寒也。陳氏木香散以溫之。其在四五日之間死者。毒氣盛。真氣虛而不能起發也。六七日之間死者。元氣虛而不能灌膿也。旬日之外死者。邪氣去脾胃敗而元氣內脫也。治者但能決其死而不知其死必本於血氣虧損。苟能逆推其因而預爲調補。豈斷無生理哉。蓋起發灌膿結痂三者。皆由脾胃榮養不可妄投。尅伐。

之劑以致其夭枉也。至於大人患此治法迥異。昔丹溪嘗治一老人初患痘昏憤不知。亟用大補四十餘劑出痘而愈。觀此可見。

魏桂岩逆順險三法論

夫痘分逆順險法。古無有也。愚妄立之。何則。順者吉之象。逆者凶之象。險者悔吝之象。前痘而執此三法。以觀形色。驗吉凶。將無施而不當也。蓋痘發熱三日。放標。三日起。裏三日。灌漿三日。收靨三日。始於見形。終於結痂。凡十四五日之間而已。是故吉不必治。始

則反凶。凶不可治。治之無益。至如險者。治之則可以轉危就安。夫氣血盛。斯毒已解。氣血損。則毒難愈。惟氣血弱者。雖毒不能頓解。故必加補益扶持。使生意固乎其中。無不平矣。余嘗苦心究討。定立法式。觀者幸毋以余爲僭。

一二日初出如粟。血點淡紅潤色。於日鼻年壽之間。先發兩三點。順之兆也。○形如蠶種紫黑乾枯於天庭司空印堂方廣太陽等處。先見者逆之兆也。雖稠紅潤澤成箇者亦險也。○圓暈成形。乾紅少。

潤險之兆也。險者毒雖犯上，其氣未離，候其氣血交會，保元湯加桂。

二三日根窠圓混，氣滿血附，長發飽滿，光潔爲順。○根窠無暈，氣失血散，枯死不長爲逆。○根窠雖圓而頂不滿爲險。保元湯加芎桂。

四五日大圓光澤，大小不一，氣和血就爲順。○綿密如蠶種，黑陷乾紅紫泡者爲逆。○根窠雖起色不光潔爲險。保元湯加桂糯米。

五六日氣會血附，紅活鮮明爲順。○氣雖旺而血不

歸附灰陷紫陷或發水泡。瘻塌爲逆。○氣弱血微。光白不榮爲險。保元湯加木香芎歸。

六七日氣化漿行。光潔飽滿爲順。○漿毒不行。神去色枯爲逆。○氣血不足。不能成漿爲險。急以保元湯加桂米。

七八日氣旺血附。神全色潤爲順。○毒不化。漿色枯乾。紫爲逆。發癰者可治。外剝者必死。○氣血少緩。毒難化而漿不滿爲險。保元湯加桂米。

八九日漿足根化而無他證爲順。○漿不足而成外

剝者爲逆。漿不充滿血附線紅氣弱者爲險。保元湯加薑米。

十一二日血盡毒解氣調漿足而飲爲順。氣弱血凝枯朽剝盡爲逆。血盡漿足溼潤不飲內虛爲險。保元湯加苓朮。

十三四日氣血歸本漿老結痂爲順。毒未解而脫形諸邪並作雖結痂爲逆。漿老結痂之際或有雜證相併不可峻用大寒大熱之劑。保元湯隨證加減。

十四五日氣血收功。痲落癰明爲順。○痲未易落。寒戰咬牙。讖語狂煩。疔腫作者爲逆。○痲落潮熱。唇紅口渴。不能食者爲險。四君子加黃連。山查。陳皮。不解。大連翹湯加減。

論曰。保元湯卽東垣所製黃耆湯也。不越人參黃耆甘草性味甘溫。專補中氣。而能補火。故虛火非此不去。人參固內。黃耆固表。甘草解毒。借以治痘。令其內固外護。扶陽助氣。使氣生血。附藉此載。領有回生起死之功。或云氣血與毒同途。何專理氣而不理血。殊

不知氣旺自能載領其血也。或曰桂者辛物痘出已熱而更用之何也。蓋取其辛甘發散助參耆之力而成偉功也。今更採入痘科諸方協助保元湯以收圍治。是以升麻湯和解湯四順清涼飲等有開濟之功。故用於三日七日保元之前。解毒湯大連翹湯參蘇飲等有平治之能。故用於十四日前後。四君子湯生脈散桔梗湯參苓白朮散四苓散等。故用於保元之間。有贊相之能。不拘日數。白螺散治痘之不收。金華散治痘後肥壯疥癰生肌散治痘瘡蝕不斂。以上諸

方不過翊運保元以濟陰陽虧盈之變治痘用藥之
要始出之前宜開和解之門既出之後當寒走泄之
路痧落已後清涼漸進毒去已盡補益宜疎其他雖
有奇方不合中和之道悉皆不錄

翁仲仁痘疹論

夫痘由中以達外用藥因期而變通以常言之發熱
三日而後見標出齊三日而後起脹蒸長三日而後
灌膿漿滿三日而後收靨故發熱三日當託裏解毒
使其易出亦有氣弱而不能出者當微補其氣漿邪

則出快切不可輕用。其善惡勝理一密則痘難出也。四五六日起發之時宜清熱解毒。清熱則無血熱枯燥之患。解毒則無壅滯黑陷之虞。七八九日灌膿之時宜溫補氣血。氣血流行而成漿自易也。十日至十一二日收靨之時宜調和氣血。補脾利水自然結靨矣。此特語其常也。蓋常者可必而變幻無期。當隨候叅詳。見紅點之時如痘輕少不可過表。在後恐成斑爛如乾紅紫色急宜疎利。不然在後必成黑陷。四五日之內痘出足下爲齊。苟未盡出於解毒中宜兼發。

散若專於清涼則痘反凝滯不能起發也七八日之間毒未盡解於溫補之中宜兼解毒若偏於溫燥則毒反蘊畜不能化漿也十一二日之間漿未滿足雖當大補氣血然須兼解餘毒不然恐有癰毒疱疔之患也○夫痘瘡之發也身熱和緩達於外者必輕悶亂煩躁彰於外者必重其顏色貴潤澤而嫌昏暗貴光彩而嫌枯濇貴淡紅而嫌黑滯貴鮮潔而嫌嬌嫩貴圓淨而嫌賁碎貴高聳而嫌平塌其皮膚貴堅實而嫌虛薄貴勻淨而嫌冗雜其根窠貴收緊而嫌散

痘根陰陽見點最忌浮腫出要參差血宜歸附耳
後頭項心胸少於他處爲吉眉稜兩顴額前先後潤
而不滯爲佳夫色之紅者毒始出也白者毒未解也
黃者毒將解也乾黃者毒盡解也灰白者血衰而氣
滯也焦褐者氣滯而血枯也黑者毒滯而血乾也如
紅變白白變黃者吉紅變紫紫變黑者死之兆也

痘疹握機論

張安世曰醫學貴乎專精崇古分科習業各擅所長
庶幾奪權造化痘疹一門爲嬰孺始基第一關隘予

嘗歷攷錢陳朱魏諸家之論各執一端緣其立言之
義有就證而論者有究本而論者有因時而論者觀
費氏大運論云嘗稽痘證有獨取於辛熱有得意於
寒涼有扼要於保元是皆治痘名家何不見有逐年
先後之別要知大運使然非三者之偏僻也而費氏
明指文中仲陽桂岩三子而言獨不及濟川者以濟
川實得一本萬殊之妙兼該三子之長其論可法後
學可宗有言於神宗丁巳至癸亥尚多氣虛由甲子
而血熱者漸多矣其毒亦漸深矣而補宜從重者變

而宜輕瀉宜從輕者變而宜重建及丁卯所宜重瀉者雖極清極解而亦弗靈矣勢必蕩滌而九臬之勢始殺然猶放標起服時之權宜也至壬申後蕩滌之法向施於咸豐前者竟有首尾而難免者矣其黃氏痘疹或問亦云予自萬曆辛巳始行其道所歷之痘多屬虛寒至癸卯歲忽然氣候大變自後當溫補者十無一二虛中挾火挾痰者十常八九痘色亦常變異良由運氣使然握司命之機者可不達權通變而固守成則歟於是會參諸家宗旨綜其大端不出血

熱毒盛毒盛氣虛氣虛不振之三綱順險逆之三安
順則無庸治逆則治何益惟險者在急治而尚變通
其機不暇少緩不可泥於首尾而拘於繩墨也至於
病有寒熱證有真假毒有淺深藥有輕重治有緩急
時有寒暑人有貴賤稟有強弱安可藥論若夫膏梁
之治與貧賤之治迥乎不侔夫膏梁之家素嗜肥甘
肌體柔脆譬之陰地草木未經風日奚堪勝任况一
有微病卽日歷數醫雖其法眼亦難獨出已見稍用
一有關之品卽衆口譏詬功未見而咎有歸此亦世

道使然無足憾也。而貧賤之家。旦甘粗糲風霜切體。縱有疾苦。力能勝受。卽或從事醫藥。則專任於一難證。弱可危。尚堪重劑。推板功成。反掌第貧家之痘一涉危疑。醫者往往忽略而委之不收。棄以待斃。因得土氣滋化而復蘇者。亦恆有之。達權之上。務在見機於始萌之際。變通於未發之先。如薄因表邪而發者。疎解之。由裏邪而發者。宣暢之。熱劇者。涼潤之。虛闕者。開洩之。挾驚者。清理之。挾痰者。驅導之。虛者益之。實者損之。寒者溫之。熱者清之。此數者。迺治痘之大

綱必須明燭其機而毅其之慎毋疑似而混用升發
標證一退其痘自起蓋痘病必求其本審係血熱而
用涼解卽是升發審係氣虛而用補托卽是升發以
故新甫有見點忌升麻之說丹溪復有一見紅點便
忌葛根之誡夫今之以痘疹名世者或稱家秘或尚
師傳下手不辨氣血之虛實熱毒之淺深稟賦之強
弱兼證之有無槩以通禁升發爲務直待點齊而驗
以凶吉不知延過三日則毒已歸經加之兼證交攻
種種變端莫不由此此皆識見未真習俗之謬耳貴

子所謂識見不真。先迷而往之路。膽力不雄。同歸廢弛之地。理障未指。難神變化之用。是必膽與識俱心隨理運。各而後可以語此。嘗有痘雖初放。功不在於升發。時雖起脹。寧有事乎清涼。寓補於瀉。何嫌貫漿而解。利用散爲收。何病結痂而疏發。至若臨證之機。必細察其形。熟驗其色。復於神情而繹之。兼內證以參之。庶乎似虛寒而反實熱。似有餘而反不足。似乎易而實危。殆似必斃而實可生。熾然於心目間。其有素稟氣虛。而證見血熱者。當於發熱之初。乘毒未歸。

經元氣猶堪宜先理其標峻投涼血以化熱毒後固其本任用溫養以助成漿設先不爲清理至四五日間欲行涼解則痘必難起灌欲行補托又礙熱毒未清至此攻補兩難而致夭枉者比比且有悶痘一證方書但言白悶紫悶緊悶從無辨救之法因思悶者痘緣毒邪壅蔽悶而不發其證最急是爲逆中之逆雖有神丹莫可救也然有似悶而非真悶卽屬悶而緩者是爲險中之逆此開證也世多例之悶痘棄不救可槩委之於數乎若能明究其故而開其閉庶

可轉危就安。倘之難鳴。度關此關一過。前途別有料理。但閉證之由種種。有因火毒熾盛而閉者。有因痰垢凝塞而閉者。有因蟲蠱內攻而閉者。有因挾食挾血而閉者。有因真元虧極而閉者。畧舉一二言之。如發熱卽報點如丹。身熱如烙。漸乾焦紫黑。煩躁悶亂。脣焦口臭。或脣口腫滿。是屬火也。雖冬月亦須大劑白虎化斑湯。石膏非數兩不應。或發熱時便頭項不舉。痰喘氣急。或目閉神昏。眩暈。顛仆。悶亂。搐搦。是屬痰也。亟當猛進金匱大黃甘草湯。使上吐下泄。以

救之或一發熱卽煩悶嘔吐舌下常流清水或時沉
默喜睡或時躁擾不寧或腹痛狐疑或頻頻叫喊驗
其舌下筋青或下脣有黑白細點是屬蟲也宜先與
椒梅丸誘入蟲口卽以紫草承氣湯下之或初發時
便壯熱神昏腹痛譫語舌刺加芒或氣粗便闕狂叫
悶亂是屬食也急投大承氣湯及三承氣選用或因
跌撲內傷瘀血阻滯譫語神昏喘脹衄血者桃核承
氣湯或有身無大熱見野潮白如瘡氣怯無力目閉
無神面色及脣灰鮮澤嬌紫或衫信常是氣虛無陽

脾胃之精華渙散於外也。然此亦不多見。惟秦養柔脆者。間或有之。若非峻用人參二三兩。生芪兩許。佐以升麻五味。續續灌下。烏能回元氣於無何有之鄉。而振起之耶。其證之屬貫而閉者。竭力圖之。可全十之半。屬虛而閉者。則與秦越人起虢太子不異。可知造化樞機。在掌握間。豈可拘於尋常例治哉。

辨證六則

初發悠悠身熱。最宜氣息和平。飲食甘而便溺如常。手足溫而面容不改。兼之睡卧安寧。便見證來之順。

四肢清而面色晄白飲食少而精神倦怠此證當作
虛看痘出決然不振再見便澹呢乳急當補氣爲宜
若還熱甚氣粗定須解毒何疑谿語狂言煩躁均爲
內熱喘滿氣粗便秘須知毒壅毒盛則頭面赤熱氣
虛則手足寒清嘔吐爲火氣上炎泄瀉爲毒氣下迫
腹脹口張喘急啼聲不絕頃頻須防失血而青衄眼
搖頭狂亂忽生吐乳發驚先兆是以熱盛者只宜清
涼發散不可峻用苦寒發散則毒外出而熱自解苦
寒則毒反伏而出愈難故發散之劑輕則升葛以疎

其熱而煩躁壯實者非此何以定其標重則麻黃以
開其壅而喘急脹滿者非此何以救其危米萌先瀉
有熱證莫作虛看已泄而渴無熱證便從虛治止熱
泄以清涼重加發散治虛瀉以溫補仍用開提內虛
誤用寒涼助其作瀉實熱妄投補劑轉增煩劇安靜
能食勿謂便實可下泄瀉煩渴休言熱證宜涼氣弱
而少食者不任其毒神強而能食者不失其常
嘗謂痘初見點便觀顏色榮枯一來便覺相肥稀疏
可必始發若還資屑繁密堪知帶熱敗瘡陸續出來

猶可救。一齊湧出。嫩紅皮薄。總難生。細細白頭。如瘡。痞乾枯。必作內攻形。稠稠紅點。似丹朱。不久定成焦。萎勢粗肥。饅頭點子不紅。終白陷頭尖。皮薄茶莢紋。起定空瘡。白嫩則皮薄。嬌紅黃瘦則痘成。褐色若人。蒼黑皮粗。瘡色必然慘暗。嬰兒肌肉不同。未可一例。而斷只宜錠。面有神不喜嬌紅。平塌色澤神安。見點如珠。頭黑焦。或燥熱。或無帶熱出來。最忌。密似麻頭。終然續出。尤忌形如雞痘。紅點如疹。赤赤如紫。不立。脚地俱無。紅點如紫。皆不收。夾斑。

如。同。以。咬。最。爲。惡。烈。乃。或。標。出。雲。電。差。爲。可。治。未。熱。
先。敷。數。點。於。其。部。位。若。還。熱。久。不。敷。便。作。疔。看。先。發。
塊。而。後。發。瘡。塊。爲。風。毒。所。發。先。發。瘡。而。後。發。塊。塊。名。
鬼。腫。難。醫。避。痘。避。於。隱。僻。眼。胞。脣。內。多。凶。悶。痘。悶。於。
要。處。喉。舌。胸。背。皆。危。順。不。憎。多。逆。嫌。一。點。令。疔。先。見。
諸。瘡。何。敢。彰。彰。賊。痘。若。生。諸。痘。焉。能。灌。汁。辨。認。若。真。
急。須。挑。破。裏。證。未。平。痘。雖。出。而。毒。猶。在。裏。解。毒。爲。務。
便。調。人。靜。身。雖。熱。而。毒。已。透。表。安。表。爲。先。設。使。內。外。
證。平。此。際。不。須。過。治。再。看。精。神。勇。怯。審。詳。表。裏。如。何。

三日四日。痘出當齊點至足心。勢方安定。猶是陸續不齊。尚隱皮膚之內。若非風寒壅遏。定屬氣虛不振。是以四日已前。痘毒方出身表。宜涼。四日已後。毒出已定。身表宜溫。涼則氣血和平。痘色必然潤澤。溫則腠理開通。其勢易以成漿。故至此而身不微熱。色不鮮澤。雖不至於冰伏。痘瘡斷乎不長。五六日來。血包已成。候當肥大而粗。頂宜發光而白。故根紅而頂白者。已具行漿之勢。若還赤色。過頭雖見嬌紅可愛。綿延六日。依然到頭空殼。虛花皮薄而光亮如燈。內含

似水頂尖而根脚不紅行漿不實熱毒盛而未解則爲紫爲黑壅而不起則爲陷爲塌滯而不榮則爲乾枯爲青灰怯而不振則爲不快爲停漿或有肉先腫而痘反不起者漿則滯而不行面已浮而痘反退伏者毒則壅而不通故身不熱而痘不起已成冰硬之形赤色若還不變溫之可興氣血弱而瘡不振遂成不快之狀紅潤依然如舊補之可生紫色乾枯切忌溫中滯補祇宜活血鬆肌毒勢壅滯烈藥雖然可發透肌尤是良方瀉泄惟於溫補瀉甚佐以升提

六日七日之期。氣血燄化之際。順候漿行半足。虛瘡
纔發微光。毒重而壅遏者。頂滯乾紅。氣盛而熾發者。
飽滿光澤。頭面行漿而四肢未起。切莫慌張。腿膝發
泡而臉額焦枯。且休歡喜。旣以懼其發瘡。且又慮其
喘急。飲食不多。恐致藏虛而內陷。水漿頻進。須防泄
瀉而變危。熱盛煩渴。到此休爲實論。再加溲泄。此時
只作虛看。黑紫乾枯。急須攻發其熱。氣虛塌陷。便當
溫補其虛。發哈愁其失聲。喘急恐其腹脹。瘡或白而
少神。根雖紅而難治。尖不起而難根。細細赤而無濟。

色淡白而晦。謂此內必無漿汁。皮熱而燥。紅有漿。亦是清毒犯此。四端總為氣虛。八九日間必然發癰。若還壯熱。燎人不審。更行芫花。紫色乾枯。不須著眼。中凝血迹。或可倖成。漿既行而半足時。則未當收飲。忽爾一齊紫黑。倒壓莫認。結癰若還攻發。得宜傍生血點。再行漿。如見氣急腹脹。不久失音。死在週。痘出八九日來。已結乾紅。癰死。被音如或少生。不順。至此方得灌漿。若過身重發熱。停漿不易。結癰。此則陽亢陰虛。應以清涼收斂。漿足氣促。恐因痰湧而然。忽

爾發驚母乃二便秘結再見氣虛場陷必然倒壓黑
焦一則溫補可興一則攻發可活泄瀉安寧大虛少
毒脾寒則下白膿藏毒必然便血唾喉聲啞漿行飽
滿亦無妨塌癢咬牙便實聲清猶可活屬來痧硬變
證終無死脫如麤須愁餘毒蒸發或致太過則潰爛
難收身熱若見燎人則燎漿發泡空遺痘殼不成痧
祇爲漿清熱重腹脹喘呼而喘陷皆因毒入內攻出
來不灌黃漿痂疔猶如血赤若曾解毒於先此證斷
之極美胃氣絕則唇黑腫硬肝熱盛則目睛吊白喘

急發於瀉後。總屬氣虛。使瀉繼以煩渴。諒非實熱。泄瀉而煩渴不止。理必升提好飲。而發渴愈甚。勢難收援。氣虛寒戰。痘瘡無恙。卽溫經漿足。難收便實。熱蒸須解利。進清涼。以助結痧。此補法而防過益。痘成痧花八九功成。餘毒變遷。終非吉兆。是故眼合腹脹。猶蹈危機。虛浮不退。尚懼凶咎。痧雖成而反致失聲。猶爲黑靨。腫未退而眼已先開。恐毒內攻。腸氣極而狂叫。喘呼腸胃傷而便溺膿血熱毒逗遛不化。結痧而壯熱憎寒。經絡餘毒未盡。目瞽則往來寒熱。

發在午前爲實證。煩渴。腮紅。申後方熱。是陰虛便調。
形瘦。他如撮唇弄舌。心經亢熱無疑。攔膈。胸肺胃。
毒冲有準。身熱便秘。恐成暴急驚風。潮熱便溏。防變。
慢脾風。搐。瞤。失明。於眼合。羞明。辨口。疳於唇焦。齕黑。
實熱結於大腸。必然便秘。虛寒客於胃府。乃成泄瀉。
喘渴。須分虛實。泄瀉當辨寒熱。欲觀痲落之餘。再審。
癰痕之色。桃紅光澤。營衛俱安。灰紫乾焦。尚留風熱。
粉白爲氣血之虛。皮粘爲脾胃之疾。遍體赤斑。乃是。
失於解利。渾身青紫。恐爲風寒所客。餘毒未清。不特。

爲疽爲癰見風太早須防發瘡發癰匪人切勿胡傳
此本先賢真訣

表裏虛實論

凡痘灰白不紅綻不起發出不快昏暗頂陷皆表寒
而虛二便清身涼手足口氣俱冷不渴少食脣白涕
清飲食不化皆裏虛而寒此表裏虛寒之證急宜溫
脾胃補氣血當用參耆歸朮木香肉桂等藥以助灌
膿收靨夫表虛者以補氣爲主補血次之裏虛者於
補血之中須兼補氣使胃氣條暢脾氣壯實後必

無陷伏之憂。苟能補氣。則血亦週流。送毒出盡。不致凝滯。在後必無癢塌之患。凡紅紫乾滯。黑陷焦枯者。皆表熱而實。大便秘結。小便赤澀。身熱鼻乾。唇燥煩渴者。皆裏熱而實。此表裏實熱之證。急宜涼血解毒。當用紫草。紅花。連翹。鼠粘。木通。蟬蛻。荆芥。甚則芩連之類。如表熱者。則宜清涼解表。而分利次之。裏熱者。重於解毒。而兼清涼。如在二三日之前。熱毒盛者。以硝黃微下之。蓋涼血不至於乾紫。解毒則免於黑陷。如表虛不補。則成外刺。裏虛不補。則成內攻。表實過

補則不結。邪裏實過補則發癰毒。所以痘證變遷不常。若色一轉。又當變通。不可拘於一定也。

氣血虛實論

夫氣有生血之功。血無益氣之理。故氣不可虧。虧則陽位不及。而痘之圓暈之形不成。血不可盈。盈則陰乘陽位。而痘之倒靨之禍立。至是以治虛證。必當補氣爲先。蓋氣有神而無形。補之則易充血。有形而無神。補養難收速効。况氣陽而血陰。陰從陽。血從氣。理也。故補氣不補血。使氣盛而充血。血亦隨之而盛矣。何

謂氣血虛實。且如氣過熱。則泡血過熱。則斑。氣不及。則頂陷不起。血不及。則漿毒不附。凡痘色淡白。頂不堅實。不礙手。不起脹。皆屬氣虛。宜保元湯倍黃耆。加肉桂。丁香。人乳。與酒釀同服。根窠不紅。不緊束。或紅而散濶。以手摸過。卽轉白。毫毛墮起。枯槁不活者。皆血虛也。保元湯加芍歸紅花。及山查。以行參耆之滯。木香以散滯氣。而血自活也。凡用黃耆。當在痘山盡之後。凡用熱藥。當看毒盡解之時。更察氣血之虛實。偏勝而治之。則藥無不効矣。凡補血。首尾用地黃。防

滯血必用薑製用芍藥恐酸寒伐胃必用酒炒以和其潤下之性借酒力而行之達表也

虛證防變論

初發身熱悠悠乍熱乍涼明鬆神倦而青皖白飲食減少手足時冷時熱嘔吐便澹痘點方見隱隱不振淡紅皮薄三四日陸續不齊不易長發五六日不易成漿少食氣餒傷食易泄七八日陽陷灰白不起自汗微渴或腹脹喘渴泄瀉塌瘡悶亂咬牙寒戰頭溫足冷勢所必致皆緣氣虛之故故治虛痘初發不宜

輕投透表之劑。卽參蘇飲。人參敗毒散等。亦不宜用。
況升麻湯等。純行升發之藥乎。至於黃連紫草。皆爲
切禁。惟宜保元湯爲主。若氣粗皮燥。無潤色者。亦當
忌之。只以四君子少加桔梗川芎。補益之中。畧佐升
提之法。俟點子出齊。重用參耆峻補其氣。助其成漿。
至八九日間。無他內證。十全大補湯。倍桂。塌陷灰白。
腹脹泄瀉。木香散。塌瘳悶亂。腹脹瀉瀉。喘嗽頭溫足
冷。寒戰咬牙者。急進異功散。遲則不救。

虛證變實論

氣虛痘疹調理得宜。使元氣充實。腠理堅固。脾胃強健。二便調適。仍可轉禍爲祥。若補益太過。漿足之後。重用參耆。多有腹脹喘急之患。用枳殼湯。誤用五苓。木香散。多有大便秘結之患。用寬中散。便實而渴。用麥門冬湯。過用丁桂辛熱之劑。則有咽喉腫痛。煩躁閉渴之患。用潤燥湯。蓋喘急腹脹。大便秘堅。煩渴咽痛。皆類實證。然而氣虛變實。非眞實也。是病淺而用藥過深之失也。只宜斟酌。不宜疏通。若誤行疏利。則方生之氣復虛。而脫證將至矣。

虛證似實論

氣虛痘疹。或爲飲食生冷。調理失宜。致傷脾胃。遂成泄瀉。津液下陷。虛火上盛。必發而爲渴。元氣下陷。虛陽上壅。下氣不續。必發而爲喘。夫渴與喘。實證也。起於泄瀉之後。斯爲津液暴亡。而渴。陰氣暴逆。而喘。故治渴則宜錢氏白朮散。渴瀉不止。則用錢氏異功散。治喘則宜獨參湯。不應亦用錢氏異功散。大便秘塞者。少與生脈散調之。喘渴而泄。陳氏木香散異功散。選用。若至悶亂。脈微。張壽甫氣內攻。服合目語者。此名失志。

庸醫不察。誤認爲實。而投耗氣之劑。速其斃也。安有實熱而渴。氣擁而喘。生於泄瀉之後哉。

實證似虛論

身發壯熱。毛直皮燥。睡卧不寧。腮紅睛赤。煩渴腹脹。便秘喘急。皆實熱證。而復見嘔吐者。此熱毒在內。不得伸越。或爲寒冷所搏。乳食不節。冷熱相拒。則上逆而爲嘔吐。病機所謂諸逆衝上。皆屬於火者是也。治當升提發散。兼辛以散之。如升麻湯加生薑橘皮之類。吐逆勢甚者。更加豬苓澤瀉引之下行可也。又有

泄瀉兼見似乎虛證。然因熱毒鬱盛。熏炙脾胃。不得外達。則毒從下陷。尋竅而出。亦當升提發散。熱毒外解。內泄自止。有食則兼消導。如枳殼。山楂之類。又復有不思飲食。似乎內虛。不知鬱熱在內。不得伸越。二便秘結。腠理阻塞。熱毒壅遏。腹脹滿急。不思飲食。必然之勢。亦當升提發散。引毒達表。有熱則兼清熱。如山梔。黃連之類。則熱氣有所升越。而藏府和平。飲食自進矣。若誤用丁香。桂。半夏等熱藥於嘔吐泄瀉之證。用參。耆。白朮等補藥於腹脹不思飲食之證。立能殺

人他如龍骨豆蔻麝香少皆熱瀉之戈戟也

然證變虛論

血熱痘疹只宜清涼發散不宜峻用苦寒過投芩連之屬必致內傷脾胃外閉肌肉脾胃傷則飲食減而泄瀉重則洞泄無度遂致虛寒肌肉閉則熱蒸之氣不行腠理滯滯則痘不起發不行漿遂成伏陷此熱證變虛之驗虛證旣形便從虛治不可膠執而畏參耆丁桂也六七日後見之則木香異功皆可應用但中病卽止不可過劑以招竭澤之禍也

毒盛變虛論

毒盛壅遏固宜升提發散而佐以清涼使熱毒得平而止若發散太過必致肌表空虛元氣耗散內灌清漿或虛腫空殼或癢塌外剝或潰爛不收百變皆至而內氣亦不能自守畧傷飲食則成泄瀉泄瀉不止遂變虛寒而氣脫煩渴悶亂寒戰咬牙無所不至矣夫始出之時雖爲血熱壅遏至三四日後身反不熱

瘡不熱無得不進溫和之劑如桂枝湯乾薑之類使內氣一煖則外氣自和

有腹脹煩渴喘急焉得復爲實熱不過內虛伏匿
氣內攻而然故實熱之證七八九日曾經泄瀉皆從
虛治。有木香異功證便進木香異功如無水便之證
非泄瀉之後切勿誤投溫劑蓋塌陷倒壓乾枯而無
冰硬泄瀉之患者多因熱毒內攻而然又當用百祥
九豬尾膏等方治之誤投溫熱虛扁不能復圓也

氣虛血熱毒盛三法治例

凡氣虛之證初發身熱手足厥冷乍涼乍熱精神倦
怠肌肉眈眈自飲食減少睡臥安寧清便自調此皆虛

證無疑。未見點前用保元湯加紫蘇防風白芷以發散之。見點後以保元湯加川芎桔梗以開提之。見點四五日後仍用保元湯隨證加減處治。七八日漿足之後宜四君子加歸芍山藥以調養之。大便實者加熟地以兼補其陰。若證見虛寒不妨加肉桂倍參耆以溫補之。如見塌陷黑壓多用陳氏木香異功收功。○凡血熱之證初發壯熱腮紅臉赤毛焦色枯煩躁渴欲飲水日夜啼哭睡臥不寧好睡冷處小便赤澀此皆熱證無疑。未出之前升麻湯加生地芎歸紅花

鼠粘連翹以涼血解毒見點三四日後熱證漸平將欲灌漿紫草木通湯加生地川芎桔梗紅花山查之類八九日漿足之後亦宜四君子加養血藥調理之若七八日根脚紅暈不化或紫黑乾枯及青灰乾黑陷者皆由血熱之故急宜清熱涼血爲主切勿誤用補氣之藥則營血愈虛愈熱矣惟泄瀉之後變黑陷乾紅者則從小劑木香異功治之○凡熱毒壅遏之證初發身熱面赤氣粗喘滿腹脹煩躁譫語狂言睡中驚妄二便秘澇面浮眼脹多啼多怒此皆熱甚無

疑未見標時。先須升麻湯一服。隨加羌防。荆芥。川芎。連翹。紫草。白芷。桔梗。鼠粘子。以清熱透表。至見點三日之內。諸證向寧。勢將行漿。紫草木通湯。加川芎。桔梗。山查。蟬蛻。鼠粘子之類。漿足之後。亦宜四君子加養血藥調理之。若六七日外。根窠連肉通紅。或紫黑乾枯。及青灰乾白陷者。此皆氣虛血燥。毒邪壅盛之故。急宜涼血解毒。兼調中氣爲主。切不可輕用溫補。惟曾泄瀉。內氣暴虛而陷。則當小劑木香。異功救之。

汗下論

錢氏論痘瘡發散利下皆不可妄。又曰非微汗則表不解。非微下則裏不解。言表熱方熾痘點未見之先。或外感寒邪。約束腠理。痘因出不快。此當微汗之。令陰陽和。營衛通。俾痘易出。而毒易解。若原無閉塞不快。而妄汗之。則成表虛。癢塌斑爛之患也。如痘出時。煩熱讖語。喘脹便秘。此毒畜於腸胃之間。當微下之。但藏府疏通。陳莖滌去。氣血和平。而毒易升發。若原無裏實。壅熱而妄下之。則元氣下陷。致變灰白虛脫之證矣。張涵高曰。余治血熱毒壅便結之證。每用涼

膈散下之百不失一

所感輕重論

或問時氣之盛衰而痘出之輕重者何也。蓋痘之出必假天行時氣而發。天時疫氣有盛而有衰。人之生稟有強而有弱。疫氣盛行雖輕亦能變重。稟弱者當之必致於危。厲氣已衰雖重亦能變輕。稟強者當之益見其輕。故貧賤家兒多歷辛苦風寒更無厚味傷脾。卽有重證亦能抵當。富貴家兒煖衣厚味少見風日脾胃脆弱不經勞苦。凡遇小疾亦爲大病。譬之陰

地草木豈能禦冰霜烈日乎臨證之際可不辨人之
強弱貴賤參時氣之盛衰而爲施治哉

死而復蘇論

痘有死而復生者非氣血相離也乃毒火彌熾氣血
壅遏不行故肢體俱冷而氣絕本不終絕雖絕必通
毒火有時而少解則正氣漸復而蘇嘗見痘兒氣絕
轉卧於地良久復生者得土氣以化毒熱而正氣復
矣然雖氣絕而死其心胸必溫暖若胸冷氣絕復生
者未之有也

原委

嘗讀炎黃扁鵲仲景書從無痘瘡一證相傳。謂是伏波定交趾歸中原始有此患。則知皆是炎方火毒蒸發先天淫火毒邪而成。蓋得於有生之先。發於既生之後。或感風寒驚食。或當歲氣併臨。則蘊發爲痘。今之所見者。不問何藏所主。但發熱之後。一二日間紅點成水泡。水泡成膿。泡膿脫後。結痂脫痂。總謂之痘。此則胎毒也。其或隱於肌肉不膿不痂。謂之癰疹。一見紅色而復沒復現者。謂之膚疹。古人謂之癩疹。

遍身紅斑如錦紋雲霞者。之麻疹。吳人謂痧。越人謂瘡。其或初發紅點有似痘瘡。不三日而灌漿紅潤。見漿卽焦者。謂之水痘。南人謂赤痘。已上諸證。乃脾肺畜熱。或外感風熱。或傷寒發斑之候。不可盡歸胎毒。方書所謂痘毒之發。傳於心爲斑。傳於肝爲水痘。傳於肺爲疹。傳於脾爲痘。其沿街里巷一染出痘者。此則歲氣併臨。疫癘傳染。豈可槩爲胎毒哉。

發熱

痘瘡將出。必先發熱。然其熱有風痰食驚變蒸之異。

及時氣傳染俱能出疔疑似之間卽當審其所觸隨
證清理以觀其勢更察其耳冷尻冷足冷中指稍冷
耳後紅絲赤纒現呵欠噴嚏六脈洪數身微瀝浙顫
動白睛微紅目光如木顫間有花紋見者乃爲真候
如溫溫微熱乍涼乍熱欬嗽嚏嘔欠呵頓悶面微紅
者此必痘稀毒少身涼後出尤輕也其或驟發壯熱
如火熏炙咽而俱赤悶亂昏眩狂躁不定一熱便是
紅點此必稠密毒盛急投柴胡飲甚則涼膈散下奪
之發熱時肢體骨節俱痛者六淫之邪也宜表散兼

透毒之劑發熱時遍身作癢此表虛客冒風寒毒不能出故癢桂枝湯加黃耆防風白芷蟬蛻發熱時惡寒身振振動搖此氣血弱不能過邪快出邪正交爭故振升麻湯加人參穿山甲桂枝防風發熱時腹痛攻攪躁渴此毒勢壅遏熱氣內蒸急以蜜調元明粉四五錢不下再服甚則涼膈散大便一利其痛即減瘡亦隨發勿泥首尾不可下也若虛寒脈弱而腹痛者小建中加升麻若腰脇痛者此毒在肝腎最爲惡候急以石膏六七錢人參一錢茶一撮煎好入元明

粉三五錢加生白蜜熱服或可十全一二若唇口上
下紫黑燥裂疼痛者此毒攻脾藏難治急投犀角消
毒飲加石膏黑參以救之發熱時或吐或瀉此毒邪
奔越精神不減者爲吉兆毒氣上下分泄也若見點
後猶吐瀉不止四苓散加枳實山查虛者錢氏異功
散加藿香木通發熱時如驚者爲熱乘心包亦是吉
兆導赤散加蟬蛻紫草形實便秘者瀉青丸微下之
如見點後驚搐不止者危發熱時咬牙竄視此心經
熱甚也導赤散加黃連赤芍若咬牙悶脅爲肝經風

熱羌活湯加青皮柴胡發熱時聲音遂變者宜清肺
氣消毒飲加連翹桔梗便面赤加紫草發熱及見點時
兩目紅腫者風熱上攻也導赤散加荆防蟬蛻若熱
至五六日或腹脹喘急便秘狂煩痘不見點而熱甚
於背者風寒留滯於經羌活湯不應加麻黃熱甚於
腹者實熱亢盛於裏大承氣湯其或譫語循衣昏睡
不省者皆毒氣內攻導赤散加連翹犀角使小便流
利神爽發出爲吉若大便四五日不通而譫語者紫
草承氣湯下之昏迷累次譫語不休者不治發熱二

三日痘隱隱不透壯熱譫語喘脹便秘者夾食感寒而發先以升麻湯加麻黃汗之次以大柴胡利之發熱時小便黃赤短濇者熱毒不透滲入膀胱也導赤散加荆芥連翹鼠粘子自汗者邪從汗散也不須更與升發之劑衄血者邪從衄解也衄久不止犀角地黄湯去丹皮加水通荆芥穗發熱時遍身皆熱手足獨冷者此脾胃虛弱意宜補中益氣湯三四服仍厥冷者難治發熱時以火照之若皮肉裏有鮮紅成片者凶也若遍身如蚊迹蚤跡者不難發熱時壯熱譫

語喘脹搖擗尋視腰背有一二點如蚊迹者關痘也
不治發熱時腰痛如折不能坐立者折腰痘也四五
日當口鼻出血而死痘出三四日身猶有熱者尚欲
添痘也出盡則熱自止若五六日後痘出盡復熱者
必有餘毒未盡當輕劑以解其毒不可驟遏至八九
日復發熱者名曰煎漿將欲收靨結痂故耳凡痘疹
發熱不可誤認外感過投解散之劑則表之陽虛不
惟不能長發且有癢塌之患亦不可誤認內傷過投
消導則裏之陰虧不惟不能灌漿倒陷之禍立至矣

見點

痘家以看法爲要。初見點時。用紙撚蘸清油點照。遍觀其色。熟視其形。須以火在內。向外平照。則隱於肌肉間者。悉皆顯現。以手揩摩面頰。如紅色。隨手轉白。白隨轉紅。謂之血活。生意在矣。如揩之。不白。舉之。不紅。是爲血枯。縱疎難治。又看目睛光彩。瞭然。口脣尖上紅活如常。無燥白紫滯之色。乃爲吉兆。又須知燈火之下。紅紙窗之下。白不可不審。○先哲看痘有四。曰根。曰窠。曰脚。曰地。根欲其活。窠欲其起。脚欲其固。

痘欲其寬。四者俱順。雖密無慮。近世看法。但言盤頂。蓋盤卽根也。頂卽窠也。所謂脚地。則本乎根窠之圓。混痘點之稀密也。凡見頂起盤深紅暈透在肉裏方是正痘。若無盤頂紅色浮在皮膚卽是水痘。非正痘也。否則必是氣虛毒盛之故。始雖長發後必漿清脚濶。十朝十一朝必變穢塌而死。若根脚濶散不成紅暈後必難於收斂。十二三朝必有變也。蓋痘疹須辨血氣之盛衰。形色之輕重。大抵形屬氣。色屬血。故形色爲氣血之根本。最爲切要。其起先專看根脚緊束。

緊束則熱聚。易長。易灌。若灌漿後。專要根脚溶化。溶化則毒解。易收。易脫。若發熱三四日。身涼而出。初見淡紅。三四日方齊。微覺明亮。磊落如珠。大小不等。類類如黍米。摸之熨手。四五日間。明亮光澤。根窠紅活。二三次出頭。面胸腹腰背項下稀少。大小便如常者。爲吉。若一熱便出。瘡多稠密者。當詳視其根窠分與不分。顏色紅潤不紅潤。若其中有先起虛大色黃如金者。名賊痘。大而黑者。爲痘疔。若報點青色。著頭大一塊不起凸者。此痘疔也。若根窠分色紅潤。或一盤

頭面中有黑疔者。當以銀錢挑破。口含清水吸去。穢血。用紫草膏油。麝脂加血餘灰。真珠末。填入瘡內。或珍珠散。併與三仙散。或犀角消毒飲。加紫花地丁。以解其毒。挑後痛不止者。隔蒜灸之。若無根。窠色紫黑。疔多。小弱者。不治。若頭面一片光潤。如麝脂塗抹。隱隱於皮膚中者。是血滯不流。氣凝不運。爲痰阻滯。不得通貫也。先以升均湯。大吐其痰。次以犀角地黃湯。去丹皮。加水通紫草。蟬蛻連翹。但兩額黃碎成攢。紅暈不分顆粒者。急投羚羊解毒湯。以分之。若雖分。

根窠身熱枯紫者後必發躁導赤散以利小便更用
涼血解毒藥入燒人矢一錢遲則變黑而危矣若身
不熱只乾焦者熱也導赤散若雖紅活太覺嬌嫩此
元氣不實毒入氣分保元湯加連翹忍冬若色淡皮
寬者此元氣至虛參耆內托散若雖高起色紅但乾
燥口渴此火盛血少四物湯換生地加荆芥紫草連
翹木通最忌參朮若帶濡濡淫氣者此脾胃氣弱四
君子加蒼朮荆防川芎切戒黃耆若色雖光潤棕之
卽破此氣不足大劑參耆內托散或保元湯若色如

焚穀無水氣者此氣血俱虛急用十全大補加燒人
矢治之能變紅潤含水者可治否則危矣已上俱有
癰塌之變均險證也若遍身有細如芥子者夾疹也
有皮肉鮮紅成片者夾斑也皆毒火太盛故一齊湧
出並宜化斑湯發之熱劇勢甚加石膏若初見點簇
簇於皮中不現不起者非風寒壅遏必氣虛不振風
寒壅遏必煩擾色晦羌活湯加升葛氣虛不振必氣
微色淡保元湯加芍桂有痘出身涼而口燥渴者此
熱毒內盛其痘必密而重惡宜內解熱毒禁用升麻

痘初出而肢體作癢爬搔不寧者此風寒滯於皮膚也。解毒飲子加穿山甲。痘出隱隱不起而發狂便閉溺瀉者此毒火鬱結於陽明也。涼膈散下之。痘本磊落而變乾焦紫黑厥冷脈伏者此必飲食所傷不能運化致氣血凝滯故形如死狀。但按其胸腹必熱。枳實梔子豉湯加大黃。痘出將半遍身作痛者此熱毒鬱滯而未盡外出也。荆防解毒飲亦有六淫所滯而作痛者。審時令寒暄而調適之。痘出壯熱煩渴痰喘便秘者肺胃二經實熱。三消也。涼膈散加前胡枳殼。

痘未出齊而煩躁壯熱色赤用涼劑轉躁熱者此毒得寒而凝滯也。仍用前藥稍加辛溫之味以開發之。凡痘出未盡毒猶在內慎不可與大寒大熱之劑。寒則凝滯其毒熱則轉助其火。惟宜平和疎透之品。隨表裏虛實寒熱調之。痘未出齊而痢下赤白此血熱毒盛兼有積滯也。黃芩湯去棗加檳榔防風。若痘隱不振形色淡白者非保元湯加桂附不救。痘出而手足搖動者由脈不能約束其毒熱甚生風之象也。荆防解毒飲加全蠍。痘出未齊而頭面浮腫者風熱上

攻也。解毒飲子。痘出而兩目赤腫。色見乾紅。大小便
秘。睡卧不寧者。此血熱毒盛不解。上攻於目也。犀角
地黃湯去丹皮。加連翹。黑參。牛旁。荆芥。有未見點時。
身熱和緩。見點後。身反大熱不休。煩躁昏沉。便秘。或
吐瀉者。逆證也。痘報形起脹時。身熱四肢冷者。後天
脾胃衰弱也。踈卧不伸者。先天腎氣本虧也。俱不可
治。有初出便見水泡。二三日即頭戴白漿。不久即乾。
此火毒盛劇不治。若毒雖細密如蠶種。平塌如胖蠶。
如冷粥結面。或大者平塌。小者稠密。皮薄而軟。邪視。

者無皮肉取胞面膚光腫者舌出血而危若皮
膚如寒風粟起如疹如落或隱或現此不待長發當
啼呼而危若正面胸背手足腫硬或成塊青紫或紫
如瘤狀當黑陷破爛而危若紅紫黑斑如蚤嚙蚊迹
洒朱點黑潑青與皮膚不平頭面一片如臙脂者三
五朝卽危矣

部位

痘瘡見點之時先察部位卽可知吉凶輕重矣痘爲
陽故隨陽而先見於面凡口鼻兩傍人中上下腮耳

年壽之間出見者吉。若見於天庭司空印堂方廣太陽等處。俱非佳兆。大抵見點於眉已下。顴已上。正中陽明部分皆吉。若見點於眉心上。至髮際太陽部分多凶。其見點於腮頰耳傍少陽部分俱險。朱濟川曰。余初業時亦據前論。每每不應。究心三十餘年。從正額間兩顴先見者多順。入中口鼻先見者多險。或口脣目胞預爲浮腫者。此脾胃受毒尤險。太陽顴頰腮耳先見者多逆。其不能先見於上而反於下部見者亦元氣之不振耳。其起漿收靨亦同。凡初見點於正

面吉部相去一二寸一顆尖細淡淡桃紅色者必稀而輕也。若初見點於正面凶部二三相竝五六成叢或赤或白。頂平而少神者必密而重也。張潔古云一發稠密如鍼頭者。形勢重也。輕則表而涼其內。連翹升麻湯然稠密之處各有經絡部分所屬。額主心面主胃腹與四肢主脾脇主肝兩腋主肺腰足主腎肩背主膀胱。當隨見證治之。若面色黃大使黑煩躁喘渴或腹脹者瘀血在內也。犀角地黃湯或磨生犀汁但根窠分明肥滿者無妨其頭面最要稀少勾朗綻

山紅澤肢體雖密治之可生若頭面稠密平塌肢體
雖稀未可輕議其吉故頭額多者爲蒙頭頸項多者
爲鎖項曾前多者爲瞞胸兩頰兩頤多致成片或如
塗朱則肝盛剋脾八九月當作瀉不食而爲險候惟
四肢雖多不妨痘出稠密雖爲險候若面痘易起易
透日封能食者可治若身痘雖好而痘漿清平塌者
難治若諸處痘不起惟面頤及臀上痘有漿起綻者
可治有面痘好惟鼻上無痘或有痘不起綻行漿者
皆不治四肢有漿身而無者難治一身有痘漿足惟

面上不行漿者死。一身痘色紅活。惟面部焦枯者死。遍身痘好。惟兩足膝下全無者。因冬寒不出。胡荽酒熱洗多次。內服溫解透肌之藥。加木瓜。薏苡以引之。延至五日。治無及矣。若面部漿足收靨。肢體尚不行。漿神清能食。可治。有面上左有右。無右有左。無此氣血乖離。必難漿難綻。多不可治。痘出而面半已下稠密灰白。面半已上勻朗紅潤者。補中益氣湯。若面半已上稠密灰滯。而面半已下勻朗綻澤者。名雲掩天。處不治。痘出左半身稠密紅潤。右半身間有數點者。

此毒發於陽爲順。補中益氣湯。若右半身稠密。灰滯平塌。左半身間有數點者。此毒發於陰爲逆。漿雖行不能收斂。九日死。痘出齊而諸處俱勻。朗紅潤而腰圍稠密。灰滯作痛者。名纏腰。此毒滯於陰。不能成漿。九日死。遲則不過十一朝也。痘出齊而遍身稠密。頭面全無者。此陰毒。不能升於陽位。不治。已上諸證。除不治外。俱要疏通營衛。使無乾枯焦黑之患。紫草消毒之味似不可少。若熱甚者。芥連地骨皮。牛旁子。連翹。葛根。氣虛神怯者。木香。大便秘者。枳殼。

小便澀者木通食少者山楂枳朮薄者白芷蟬蛻脹者木香厚朴腹痛者芍藥丁香然亦看人之大小虛實大而實者猶或可治小而虛者多不可收諺云樹小莖多難結果小船重載定傾危可爲善喻者矣

形色

形乃色之充色乃血之華氣旺則頂尖圓血旺則根盤緊形貴尖圓起發瘡皮堅厚若見平塌皮薄爲凶色貴光明潤澤根窠紅活若見慘淡昏黑爲危然形有起發而致變者由色不明潤根不紅活故耳若瘡

色光澤根窠紅活雖塌可治但以紅活爲貴而又有
圈紅。嚙紅。鋪紅之別。圈紅者一線淡紅緊附根下而
不散。吉兆也。嚙紅者血雖似附根脚隱隱出部。險兆
也。鋪紅者痘色與肉不分。平鋪散漫。凶兆也。根者血
之暈。膿者血之腐。故六日已前專看根窠。六日以後
專看膿色。若無根窠必不灌漿。若無膿色必難收靨。
此必然之勢也。然間有色不明潤而根脚好者。仍得
收功。以根爲痘之本也。若根脚不同。顏色雖好。須防
七朝有變。不可以色好而輕許無事也。有初出色白。

不紅活若尖圓易起分顆潤澤者此氣血未會至三四日色轉紅活不宜妄補反生變端若色白枯燥癰潰脚散目微紅唇腫燥熱劇無神二便秘濇或作吐瀉此火盛無血多致內攻死在五六日間矣王肯堂曰痘疹之中惟黑者最難識若初出時隱隱有黑點見於頭而自三四朝至六七朝黑色如故不見紅色形如圓珠而有光澤行漿充滿漸漸黃赤者名曰黑痘今人皆以變黑歸腎者指爲腎經之痘不知血熱毒盛之痘初必乾紅青紫至六七日後倒靨變黑與

初出便見黑潤不同與一熱腰下便見黑點如蚤咬者迥異此腎氣充實之黑豈可與尋常痘疹同例而論哉

起脹

痘瘡既出之後二三日間足心齊見漸漸長發肥潤光澤面目漸腫灌漿爲吉。若三四日內隱於肌膚不能啟脹此元氣虛也。快斑湯透肌散催之色不紅活其勢漸漸起脹身面俱起手足四肢不能展舒者生附在所必用之藥。若見吐瀉不瀉手足指清而不長

發者甚證必寒也。陳氏水香散并雞冠血和酒釀灌之。及蘇明荃酒微噴衣被。若四五日雖見長起。顏色淡白。陷頂者。此氣虛也。參茸肉桂散加糯米。雖不白。亦不紅。活陷頂者。此血虛也。四物湯合保元。若色赤而兼痛者。血虛有熱也。四物湯換生地加犀角連翹。若氣虛有熱。保元湯加連翹木通。桔梗。忍冬。若痘頂色白。連肉紅腫而痘反不腫。口燥唇焦者。九日死。急以化毒湯加生地川芎調二寶散救之。若色紅根散不長發者。此血熱而氣不相依。大鼠粘子湯加紫草。

若色雖紅而焦。口乾不起。發紫草。飲加紅花酒。苓連
翹芍藥。若大便秘結。內有實熱不發者。消毒飲加犀
角。或四聖散加枳殼黃芩。山樗穿山甲。若大便利。口
渴不發者。此內虛熱。七味白朮散。若自利不渴者。此
內虛寒。理中湯加木香。若出遲而小便濇滯。欲漱有
痰。生聖散起遲而小便赤濇。四聖散去黃耆加速翹
升麻。虛則紫草木通湯。若夏月暑氣熏炙。煩渴不發。
四苓散加門冬。竹葉冬月冷氣所侵。寒凜不發者。陳
氏木香散。寒頭渴瀉。飲沸湯。口不知熱。陳氏異功散。

渴飲冰水口不知寒。實則四順飲。虛則地黃丸。手足不冷。飲湯溫和者。錢氏異功散。若鼻塞聲重欬嗽不發者。此風寒所侵。人參敗毒散加荆防。若血氣虛弱。偶爲外穢所觸。伏陷不發。內服人參膏。內托散。外燒胡荽乳香辟之。觸犯風寒邪穢。黑陷不起。奪命丹至如長發之際。頭面多者。自然腫脹。目閉。然不要目胞光亮。若應腫閉不腫。閉此赤鬱於內。不得起。越急用托裏快斑湯。腫者吉。否者凶。腫後忽然平塌。目閉。此爲氣泄。急用人參膏。內托散。加穿山甲。糯米漿滿後。無

別變證而不同者。參耆內托散加白芍連翹復腫吉。
否者凶。又有頭面太多將起發時。頭先腫大者。此天
行大頭病。急宜羌活散苦湯解者吉。否者凶。此證易
腫。易消。六七日變爲癰。塌。倉水錯喉。聲啞痰喘。倒陷。
百無一生矣。若六七日不起發。顏色不正。雖能灌漿。
亦難保。十一二朝之變也。痘不起發。皮粗色晦而隱。
於肉下者。此脾肺俱虛也。須防七日之變。八日之喘。
陳文宿云。痘瘡出不快。誤言毒氣壅盛。用藥宣利解
散。致藏府受冷。營衛清滯。則氣不能充貫其瘡。不起。

脹滿不能起。滿不結實。不能成痼。多致癰瘍煩躁。
而死者。謂之仁云。起脹發頂。雖起而四圍淡白枯。
燥者。虛血。多有四圍雖收。起暈而頂陷者。屬氣虛頂。
陷色白。氣血俱虛。保元湯加芎歸肉桂之類。起脹時。
痘上有小孔而色淡者。此腠理不密。元氣開泄也。保
元湯加桂。若色黑者。為火毒熾盛。又當涼血解毒。痘
起其孔白密。海藏云。痘瘡身後出不快者。是太陽經
也。身前出不快者。是陽明經也。身側出不快者。是少
陽經也。若便利調和。而出不快者。熱在表也。又有上

中下三部。先上部。次中部。後下部。出齊自愈。又有作
三次出者。錢氏云。三日不快。不出。用消毒之藥。仍不
出。脈平靜者。本稀也。不必服藥。大凡五六日間。當解
毒。補托七八日間。毒氣不能盡出。而反入於內。必用
藥。誘出之。此大法也。

灌漿

痘瘡出齊長足。至六七日紅潤。灌漿。九日十一日收
靨。爲吉。蓋成實之令。肺金用事。然必藉脾胃強。則氣
血充實。中陷者盡起。頂平者盡峻。飽滿光榮。先長者。

先作漿次長者次作漿循循有序爲順若脾胃弱則氣衰微不能助痘成漿爲險若脾胃損則氣血澆漓不能灌汁必喘脹悶亂癢塌倒壓嘔噦泄瀉爲逆其或脣上有痘先黃者此毒攻脾當十一二日不食而危若稠密焦紫不起頂者此血熱毒盛當視其人皮之厚薄厚者化毒湯加連翹黑參若皮薄如水泡者雖灌不滿必有癢塌黑陷之變若頭面稠密身上稀少色白不能起頂灌漿者此血氣虛少參耆內托散藥力在上先頭面漿滿四肢不灌前藥加糯米芍藥

以牛膝下引至足若五六日漿雖灌而不稠濃不圓滿或陷頂者此爲氣弱不能統血保元湯合四物加觀桂若雖飽滿色見眊白者此氣盛血弱也四物湯加木香糯米若六七日內灌漿不滿中有不灌者此氣血不和必變虛寒癢塌保元湯加芎歸芍藥白芷糯米若雖見長滿摸則皮皺此血虛而氣不相依必難收醫參耆內托散加糯米若氣虛之證用內托補藥暫起灌漿不滿而復平塌者更用大劑保元湯加芎歸木香升桂糯米痘養漿時漿不易充而色淡白

食少便溏此氣虛也。保元湯加當歸肉桂。若根赤煩渴便秘者。此血熱也。犀角地黃湯。誤用參耆托漿而熱愈甚者。四順清涼飲。養漿時乾空無水。此氣虛伏陷也。若人事清爽。飲食如常。痘無損處。補中益氣湯。若喘脹噦瀉。煩悶外刺者。不治。痘本稠密色淡。養漿時昏睡妄言者。此血虛神無所依也。保元湯加棗仁茯神。歸地。門冬。養漿時喜笑不止者。此心包熱甚也。保元湯加入中黃。黃連。養漿時嘔噦不止而漿不充者。土敗木侮。不治之證也。灌漿時痘色明綻而兩臂

腫痛如瓜者此手三陽氣虛而毒凝滯不散也保元湯加桂枝羌防當歸忍冬犀角連翹養漿時能食便溘諸痘俱灌惟正面平塌無漿此足陽明氣虛也保元湯加觀桂芍藥有灌漿時忽然倒靨或血熱毒盛不能起長伏陷喘脹便秘諸藥不効者攻毒湯有漿雖灌而清稀不能充滿者後來必有餘毒能食便堅者用嫩黃雌雞入黃蓍一兩黃汁少和酒釀飲之若漿清頂不足而不犯條欬自能飲食者當發痘毒方可收功若有變及不能飲食者必危已上諸證年大

能食者十全五六年小不能食者難治漿雖灌而色
太紅根脚散者此血熱未解九朝十一朝內必發瘡
急宜化毒湯去升麻加芍歸白芷連翹忍冬勿令抓
破如破處鮮血淋漓則氣血流通外用陳年屋茅研
細摻之或以松花掩之若因發癰而瘰破清水無血
必無生理破後隨灌隨乾癰色青白堆聚如雞矢者
終必咬牙寒顫發渴作喘二十日外必危但抓破處
如剝光魚皮湯火泡者不治若八九朝灌漿之時身
發壯熱渴欲飲水者此瘡多毒盛表裏氣血俱虛之

故加味四聖散去木香加歸芍亦有漿半足而熱甚煩渴引飲不已此津液外布而肺胃枯涸也大劑保元湯合生脈散頻進漿滿而渴自止也若壯熱煩渴舌乾唇裂痘色乾紫者血熱毒盛或重裘煖炕所致不可誤與前藥犀角地黄湯去丹皮加苓連若行漿時感冒風寒痰喘者難治畧與疎散不効者死痘漿充而腹滿泄瀉此停食所致保和丸消導之苦灌漿時痛不止者氣滯也保元湯加山楂木香以行其滯則痛自止有塌癍不止者此血熱也四聖散加生地

黃乾首烏以涼其血。其癢自止。若漿足而癢不妨。若灌漿之時。十朝之外。身體倦怠。煩悶嗜卧。口有氣息。此必胃中蘊熱。喉舌生瘡之故。急用黃連解毒湯。或消毒飲。加防風。遲則瘡雖收。靨脫。痂延至二十日外。牙齦蟲蝕出血。而成牙宣。呼吸息出而成息露。或爲走馬崩砂。狐惑齒落。唇爛。爲不治矣。

收靨

痘瘡至八九朝。至十一二朝。灌漿滿足。膿汁漸乾。先從人中上下口鼻兩邊收。至項下額上。遍身手足一

齊俱收。痂厚色黑。漸漸脫落。飲食便溺如常。爲吉。若額上先收者。孤陽不生。脚上先收者。獨陰不長。爲大逆也。若漿不稠濃。頂未滿足。面腫忽退。目閉忽開。瘡脚放濶。色白乾皺。痂薄如紙。此津液枯竭。血少毒存。急用四君子湯加麥冬。牛蒡。荆芥。連翹收之。今人每見此證。認作結痂無事。致成不救者多矣。或有將醫之時。熱不止而脈滑數者。痘未盡也。托裏快斑湯服之。服後復出。贈痘其熱自除。有將膿時。痘內復出餘痘者。吉。若漿足難靨。色轉黑者。凶。亦有能食神清者。

可治有收靨時欬嗽咽喉不利者此肺胃餘火不清也。桔梗湯加牛蒡連翹黑參痘漿清而忽然乾黑謂之倒靨。若漿足而次第收靨。痂厚色蒼。忽然喘急腹脹者。此傷食所致。保和丸消導之。若收靨如期而身熱喘逆者。此客冒風寒也。當隨輕重以汗之。其或當靨之時。身熱悶亂不寧。哽氣腹脹泄瀉寒顫咬牙。急用錢氏異功散加木香當歸助其收靨。若目開腫退。色白不收。反腹脹躁渴悶亂。哽氣者。此必曾經泄瀉。或過用涼藥。脾胃虧損所致。陳氏木香散。否則倒靨。

而危矣薛氏云若手足竝冷屬脾胃虛寒陳氏異功散手足微冷屬脾胃虛弱錢氏異功散加木香若手足熱大便秘作渴引飲屬脾胃實熱四順清涼飲救其陰以抑其陽又有當壓之時清爛淋漓者毒當發而發散遲則毒蓄肌肉未當發散而發散早則毒邪暴出肌肉虧損熏灼腐爛甚至內氣併虛滑泄自利悶亂呻吟而死急用陳氏木香散或錢氏白朮散治裏豆蔻丸以止瀉外以白螺散或牆上敗草爲末摻之或用黃牛糞燒存性入麝少許摻之或蠶繭燒灰

加枯礬少許搗之或用蕎麥麪皆謂塗爛處并
蕎麥麪視身下以收其毒夏月盛暑用芒硝豬脂
謂塗若手臂臂膊之間久著牀席屢擦破損急難
痂或破爛成片焦乾驚黑如火燒湯潑亦難治也
又或當臍之時發熱惡寒身疼面青瘡不收臍者
此必風寒侵襲故發身疼桂枝湯加荊防淡豉虛
則參藥飲如或夏月居處過熱熱與毒相凝而
痛益元散加枳橘連翹白芍痛去熱退瘡自
臍矣倘痘并失於挑拔收靨時作痛急宜挑治
以泄其毒又或頂破膿出

結聚如碎松香者。此因多用溫補之藥。邪氣得補。反傷正氣。急磨生犀水飲之。及益元散利小便。當歸丸導大便。自然收靨。亦有漿雖灌而未得滿足。不能收靨者。犀角消毒飲。解散其毒。方得收靨。又有曾用涼解之藥。及飲冷水。致腹中滑泄。氣短體倦。而不靨者。以胃苓湯和胃安脾。亦能收靨。其或瘡頭有孔。膿水流。出。或清水無膿。卒然自破。水出乾黑。是名漏瘡。不治。又有遲延日久。潰爛淋漓。皮脫腥臭。若先曾成膿。而後潰爛。能飲食。無他證者。當和脾胃。避風寒。多用

乾黃土末摻之自能平復。若先未成膿而潰爛者。不治。又有先因皮薄破損。多用補藥。重復灌漿而發熱。不壓者。此正氣得補。驅邪爲膿。然正氣終爲邪尅。不能過邪成痂。十全大補湯。又有雖重灌漿。膿血浸淫。面目加味。消毒飲。更加犀角多服。若元氣本實。可愈。如或膿血不止。變成疔蝕。難治也。又有結痂乾厚。忽然戰慄。乾噦煩渴者。此正氣將復。不能禁持之故。生脈散。又遍身俱收。惟頭與足不收者。此氣血不調。四物湯。去地黃。加升麻。牛膝。牛旁紅花。荆芥。陳文宿云。

痘瘡收靨之後。渾身壯熱。經日不除。別無他證。柴胡
麥冬。人參。甘草。黑參。膽草。主之。翁仲仁云。痘瘡灌漿
已滿。熱毒已解。至收靨時。有數日不焦者。只看痘色
如初。此亦無妨。乃表虛不能收斂之故。八珍湯加木
通。牛旁。補脾。利水。痘自靨矣。朱濟川曰。表虛則易出
而難靨。表實則難出而易靨。於此可見其表裏虛實
矣。

脫痧

痘瘡灌漿滿足。乾靨結痧。數日之間。脫盡。疤色紅潤。

如桃花色者爲吉。若痂厚色蒼。當落不落。乃火盛之故。宜清餘熱。或有半月二旬。痂皮粘著不脫。此名丁疤。或脫去。痂薄。疤痕凹陷。乾枯色白。或潮熱發癢者。皆表虛無力收斂。發表太過所致。人參固肌湯。痂死半粘半脫。疤色紅紫。焮腫癢痛。重復作膿者。此名翻疤。爲風熱餘毒。急宜涼血。犀角地黃湯。若發癢刺去痂皮。或出血。或無血。仍復瀰漿如瘡疥者。此血熱氣虛。十全大補湯。去桂加紅花紫草牛旁子。不愈名疔。蝕瘡出血不收者。名陽瘡。俱危。痂落不光。淡白全無。

血色。范平不滿者。名箕衣痘。元氣虛寒之故。當大補
脾胃。補中益氣湯加桂。若痂不落。反見昏沉。不省人
事者。此脾胃虛也。歸脾湯。若抓破。被風侵襲。作痛。屢
愈。屢破。爲血風瘡。雖多用養血消毒之劑。亦難速効。
若結痂乾燥。深入肌肉。不落。卽以真酥或蜜水潤之。
遲延日久。則成癰痕矣。脫後疤痕凸起。紫赤作痛者。
餘毒不解也。解毒防風湯。癰下溼者。蜜陀僧。滑石。白
芷。爲散。乾則蜜水調敷。溼則乾擦。須避風日。可免癰
痕也。痘收。膿乾黑。黏著皮肉。不脫。而身熱煩渴。夜睡

不寧者。熱毒不化也。犀角地黃湯加連翹。牛旁者。狂言讖語。四物湯合生脈散加棗仁。若痴薄如毯。昏迷少食者。此脾胃虛也。大劑保元湯補中益氣。並加穿山甲。預防發癰之患。有收靨後。身熱欬嗽。聲啞吐痰而飢者。此毒火乘金。越出上竅也。犀角地黃湯加芩連。門冬。牛旁子。有脫痂後。自汗不止。疤痕色淡。而手足清者。氣虛也。十全大補湯。若身熱。手足自汗不止。而疤痕紫赤者。胃中餘熱。傍達四末也。犀角地黃湯。夏暑人參白虎湯。脫痂後。能食便秘。身熱口渴者。此

胃中積熱上蒸須防口疳齒蠱之患清胃散有脫痂
後午後潮熱臉赤煩悶錯語昏沉者此火從虛發也
係元湯加歸芍有收斂後復發斑疹紫色者此餘毒
熾盛也犀角地黃湯加荊防連翹牛旁人中黃若服
藥後反加溇瀉或喘脹者不治凡痘疤色白急當調
補中氣爲主若服藥而漸紅活爲吉色不轉者危雖
二三年後多患漏痢而死若妄投攻伐禍在反掌

陷伏

發生聚散而彰於外者陽之德也灌溉滋潤而守於

內者。陰之德也。陰不足。則陽不長。而枯萎之變出焉。
陽不足。則陰不生。而陷伏之變出焉。痘瘡正當長發。
灌漿之時。平塌不起。謂之伏出。而復沒。謂之陷。有紫
黑白三者不同。虛實寒熱之異。今人乃謂變黑歸腎。
欲用錢氏宣風散。百祥丸下之。不知牽牛大戟峻利
之藥。有傷元氣。非質堅便實者。不可輕用。大抵血熱
之證。初必深紅。失於解散。必變紫變黑。甚至乾焦。自
然之理。治者當於乾紅之時。急用解毒涼血。頂雖平
陷。斷不可以氣虛側治。而用參耆補劑。則氣盛而血

愈澗矣。丹溪曰：瘡乾宜退火，祇用輕劑，荆防牛旁之類。若其人能食便秘，溺赤者，當用解毒防風湯發散其毒。有黑疔，挑出惡血，內服犀角消毒飲，外以珍珠散塗之。觸犯寒邪，肌表固閉，毒氣伏而不發，致黑陷者，神應奪命丹發之。熱毒內攻，神昏悶亂，寒戰咬牙而黑陷者，神授散救之。便秘氣實，四順清涼飲。小便不利，導赤散。減食氣弱，加味四聖散。兼扶脾以勝胃，水自愈。聞孝忠不達錢氏本意，妄言黑陷爲寒，及云斑瘡終始不可服涼瀉之藥，後人因之，反致其甚焉。

陷而死者多矣。觀斑痞之陷者，無不腹滿喘急，小便赤澀不通，豈非熱極所致耶？間有胃氣虛寒而陷伏不起，則用至寶丹、毒邪傷胃，無慚散毒邪竄入腎經，人牙散毒邪伏於心腎，珍珠人牙散，但人牙發痘最猛，用之不當，則有痘頂迸裂之虞，不可不慎。若因虛熱毒盛而陷，急用桑螵漿、地龍酒、雞冠血等方選用。蓋氣虛白陷，用桑螵；血熱黑陷，用地龍；瘡乾紫陷，用雞冠血，不可混也。朱濟川曰：毒壅心肺二經，用雞冠血以發之；毒壅脾經，用桑螵；漿以醇之；毒壅肝經，用

紫草茸以鬆之毒壅腎經用人牙散以攻之毒滯經絡用川山甲以透之葉子蕃云毒壅於肺則用桑蟲毒壅於肝則用雞冠血毒壅脾胃則用地龍毒壅心腎無藥可治惟寒閉毒邪於腎則用人牙與濟川稍異古方牛李膏宣風散棗變百祥丸獨聖散周天散皆治毒盛黑陷之藥咸可取用如外觸穢氣當用胡荽酒噴其衣被并燒紅棗乳香碎之若瘙癢者茵陳蒿爲末棗膏和晒乾燒烟熏之在大江以北則用水楊湯浴之凡見灰白陷者此必不能食乳或先因吐

鴻脾胃虛弱毒匿不起而變虛寒白陷者白癰。最捷。蓋氣虛則爲瘰。爲陷。血熱則爲癰。爲瘰。痘色白者必至於灰慘。灰慘者必至於潰爛。此皆氣虛而不能起。脹血虛而不能華色也。參耆內托散加歸芍。使血活氣行。白者可變爲紅矣。若虛寒甚者。陳氏異功散加養血藥救之。若單行補氣。則氣燥血虛。必致發癢。抓破。灰慘。倒塌。爲不治矣。

倒靨

痘瘡能依期灌漿結痂如螺靨爲吉。若膿未滿足忽

然乾膈或膿成之後不痂破爛或收膈之時泄瀉膿血或空泡乾枯或發熱昏憤或咬牙寒戰或手足並冷飲沸湯而不知熱是名倒膈由中氣不足毒從內入之故宜參耆內托散補中益氣湯保元湯選用使破者重復灌漿無處更出膿瘻則正氣得補復祛出毒邪也若服補藥不出膿瘻破處不復腫灌更下膿血者不治若將膈之時忽然黑膈或漿未充而忽然收膈或漿雖充而一齊結疔乾紫此氣虛血熱因火迫而收之太速也犀角地黃湯加紫草茸或四聖散

如人參當歸。然其形證又當推辨。如身痛四肢無力。瘡色青紫者。此則外感寒邪。腠理閉拒。而倒靨。人參敗毒散。并用胡荽酒噴之。忽然倒靨而心神不寧者。豬尾膏。若心煩狂躁。讖語便秘。口渴飲水能食者。此則外觸穢氣而倒靨。內服奪命丹。外燒熏穢散。辟之。屍氣所觸而靨。辟穢香解之。有藥未滿足。忽然目眶深陷。乃氣脫倒陷。若作昏沉痰喘者。死。丹溪云。痘瘡倒靨。因真陽虛而毒氣不能出者。保元湯加紫草之類。若將成就之際。却淡色者。屬血虛。芎歸之類。或加

紅花紫草屬熱升麻苓連桔梗之類甚者用犀角薛
氏云若熱毒方出忽被風寒閉塞肌竅血脈不行身
體作痛或四肢微厥斑點不長或變青紫黑色者此
爲倒靨若胃氣虛弱不能補接營衛出而復沒者謂
之陷伏誤用解毒之藥必致陷塌若喜熱飲食手足
並冷者乃脾胃虛弱之證宜用辛熱之劑補之喜冷
飲食手足並熱乃陽氣壯熱之證宜用苦寒之劑瀉
之外感風寒者溫散之毒氣入腹者分利之陽氣虛
者溫補之外寒觸犯者重解之陳文宿用異功散以

預保脾胃於未敗之先。實發前人之未發。開萬世之
矇瞶也。

夾斑

痘瘡夾斑疹而發。是藏府熱毒交盛。故一齊湧出。予
嘗沆心體會。痘證但有夾麻而夾斑之說。未果。斑乃
傷寒之熱毒內蘊而發。安有與痘齊出之理。卽前見
點例中所言。皮肉鮮紅成片者爲夾斑。實麻疹也。細
如芥子者爲夾疹。則癰疹也。然斑則多見於胸腹肢
體。頭面絕少。於此可以明辨。而舉世通謂夾斑若一

齊家楚。大不合時矣。觀先輩治例。首推升麻葛根湯。先散表邪。俟斑退。痘起。然後隨證施治。徧攷方書。無不皆然。張涵高曰。斑痘齊出。方書俱言先撤斑熱。往往痘隨斑陷。惟發其痘。則熱聚於痘。痘起。其斑自退。兩說似乎相左。其實並行不悖。當知斑痘齊發。總由熱毒勢盛。絕無挾虛之候。得其旨。則撤斑無非清涼化毒。起痘亦無非清涼化毒。化毒一法。隨證加減。允爲斑痘夾出之金錫。如斑色紫赤。加大刺蒺藜。以化之。大便秘結。稍加大黃。以利之。設不知此。而歸

真斑毒。寒涼則難。溫陷若不化。理專力。升發。則
斑隨痘起。叢雜不分。頭粒。兩難分解也。錢五芝云。風
寒夾斑。當先表散。則痘自起。大便秘者。宜速下之。大
便利者。涼血透肌。解毒為主。次言先痘後癰者。輕癰
出。以分痘之勢也。先癰後痘者。重癰發。以肺表氣光
虛。失其起灌之力也。癰痘齊出者。險。兩毒並發。但看
癰之形色。痘之稀密。斟酌而為處治。若癰見紫黑。痘
見漿清。證見喘急。皆不可治。大抵癰痘齊發。總由熱
毒勢盛。不可誤用參耆。若元氣本虛。痘色淡白。小劑

保元亦不樂也。如六七日內熱毒未盡而誤與之必
身復壯熱。痰喘不食而死。否則癰毒口疳目疾之害
所不免焉。

板黃

痘瘡根窠薄劣。漿汁板滯不活而枯黃色晦者曰板
黃。若方廣天庭板黃而餘者潤活。癰毒必結於腦項。
若腮臉板黃而四肢潤美。癰毒必發於肩臑。若肚腹
板黃。癰毒必發於曲池三里。若背脊板黃。癰毒必結
於兩軸尻骨。如遍身板黃。頸項前後板黃。頭面板黃。

眼眶脣上板黃兩助莖囊板黃皆死證也。愚按板黃皆由胃熱能食食滯蘊積於中胃氣不得宣通而致。非痘之根氣本然也。治者能達斯意急與苦寒消導大便秘者當微利之熱滯去而內外宣通烏有癰毒之患哉。

嗽赤

聞人規云痘瘡嗽赤大便不通小便如血或結癰毒身痘破裂出血乃內火熾盛失於解利急用犀角地黃小柴胡加生地黃及四順飲之類。薛氏云若心脾

熱甚犀角地黃湯。心肝熱甚小柴胡加生地黃。若大便不通。先用四順飲。次用犀角地黃湯。若色赤。痲痛。二便不通。急用活命飲。加硝黃。若色赤。痲痛。惡寒。發熱。活命飲加麻黃。若因乳母怒火。加味逍遙散。

斑爛

聞人規云。痘瘡斑爛之證。因當發散而不發散。則毒氣閉塞。以致喘促悶亂。不當發散而誤發散。則毒透陽氣暴出於外。遍身皮肉潰爛。治宜調脾胃進飲食。大便調和。脾胃健旺。毒氣自解。而無目赤咽痛吐衄。

等證若發表過甚。大便自利。急用理中丸。豆蔻丸以
救其裏。亦有痘瘡如蚊所嚙。面色黑。乃危證也。若小
便秘結。煩躁。導赤散加山梔犀角赤芍。自利不食者
不可用。蓋毒發於表。而妄汗之。腠理開泄。營衛益虛。
轉增斑爛。由是風邪乘虛變證者有之。若毒蘊於裏。
而妄下之。則內氣益虛。毒不能出。而反入焉。由是土
不勝水。變黑歸腎。身體振寒。兩耳尻冷。眼合腹脹。其
瘡黑陷。十無一生。醫者審之。

飲食

痘疹既出。全藉脾胃安和。進納飲食。則易漿易靨。自
四五日以至廝落之後。飲食不減。二便如常。雖不起
發。不紅綻。或陷塌。用藥得宜。可保無虞。若乳食減少。
兼之泄瀉。則元氣日衰。雖無前證。日後必至有變。藥
亦難効。豈能保其無事哉。若胸前稠密。或氣傷脾。或
食者。消毒飲加黃芩。山楂。紫草。人參。有傷食。腹脹不
食者。枳朮丸。有痘出太多。中焦暴虛。不食。蘇四君子
加糯米。有痘已廝起。而不能食。身熱者。調補脾胃。
爲主。凡四五日前。不覺惡寒。惡寒起。毒盛於裏。惡寒

可治至六七日後漸愈。若食則發譫百發百中。何益
有稟受壯實而發於五歲之外者。又不可一例而施
也。又有痘起之後。能食易饑者。此胃大熱。不久而變
生焉。大便秘者。四順飲加連翹牛旁。微利之。不秘者
芍藥湯加茯苓木通。牛旁。予以和之。又有饑欲食而
不能者。必喉舌有痘。艱於吞嚼也。

吐瀉

凡痘疹發熱。有嘔吐者。有泄瀉者。有吐利兼作者。有
乾嘔而嘔者。有不食者。皆毒火所致。不可驟止吐利。

中有疎通之義治宜平和疎透引毒達表則吐瀉自止如不止兼調脾胃如乾嘔而穢爲胃虛火逆最危之兆宜橘皮茶連散以安胃氣清火毒有不嗜食者此脾受熱毒當升提發散俾毒得外出飲食自進若誤認嘔吐泄瀉不食爲裏寒而用丁桂薑附轉增煩劇也誤認嘔吐泄瀉不食爲裏虛而用參耆苓朮反增壅遏也此專爲痘疹初出未透者而言若漿正行時而吐利不食者乃脾胃虛弱多有內虛倒靨喘脹之患凡長發起頂蘗漿時泄瀉誤爲險候急用白朮

茯苓以滲泄健脾人參黃耆以助元北裏訶子肉果
以止瀉佐以升提之藥使無壅遏之患若不升發難
免倒靨之虞如見心煩乾嘔而喘此藏敗毒攻最爲
凶候二陳如費連木通燈心竹葉夏月四苓散以利
小便利而不通者危至如泄瀉而手足熱面赤唇青
也弱者白朮散加竹葉陳皮強者瀉黃散若下後更
甚上午瀉稀此傷食平皆散加山楂麥芽厥冷加煨
薑或益黃散補之瀉利而嘔逆厥冷理中湯加水香
上午瀉甚下午不瀉者脾虛也朝用白朮散夕用豆

菴丸瀉出腥臭穢滯者腸胃熱也葛根黃芩黃連湯
瀉而失氣者氣下泄也白朮散加升麻防風提之若
受寒邪或食冷物而泄瀉清冷痘色灰白頂陷或手
足厥而寒顫咬牙者陳氏木香散異功散瘡雖正而
吐瀉或下血俱爲逆候若但吐不瀉無痰益黃散有
痰二陳湯吐而身熱煩渴腹滿氣促大小便瀉而赤
者當利小便若先吐而後出痘足蹇不伸聲啞熱蒸
者雖有清漿不治陳文宿云痘瘡瀉水穀或白色或
淡黃者陳氏木香散送豆蔻丸不愈異功散救之

腹痛

痘瘡腹痛者皆毒鬱三陰如腹痛面青手足冷是陰毒也
胃虛寒理中湯益黃散選用若腹痛痞滿氣滯者
厥逆而大便不通者此毒壅不透也桂枝大黃湯合
表裏而開泄之若腹痛面赤作渴手足熱此脾胃實
熱消毒飲加山楂枳殼黃芩木通若氣粗身發顫動
而痛口臭脣舌白胎者此毒攻藏府腸胃內潰不治
隻全善云腹痛多是熱毒爲患當臨證消息之薛氏
云若痘未出而發熱煩躁作渴飲冷大便堅實而痛

此熱毒壅滯也。急調元明粉通利之。若痘不出而煩熱渴不能飲冷。大便不實。此元氣虛也。白朮散溫補之。若噤腐吞酸。大便穢臭。乳食停滯也。保和丸消導之。凡腹痛作渴。飲冷手足並熱者。屬實熱。若作渴飲湯。手足並冷者。屬虛寒也。翁仲仁云。痘疹腹痛。當升發以解利。痘毒兼分利小便。使土下分消。則痛隨利減。俗醫恆用厚朴以行滯氣。不行升發解利者。非其治矣。亦有乳食停滯而腹脹痛者。當於升發解利藥中加消導之劑。兼審所傷何物而爲之清理。又有數

日不大便者。大便行而痛自止。亦未可驟用硝黃也。然有實邪固結。按之硬滿而痛。又須峻攻。不可膠於上說耳。

腹脹

痘出腹脹。皆毒鬱腸胃所致。若胃中伏熱。心氣不降。小便赤濇而腹脹者。導赤散加滑石。紫草。若痘乾紫而腹脹。不大便者。爲血熱毒盛。紫草承氣湯。若瘀血在裏而黃煩躁。小便利。大便秘。犀角地黃湯加穿山甲。若氣促體倦。大便利。小便秘。手足冷者。脾虛也。五

苓散加木通木香若腰脹腸鳴氣喘厥逆瘡白躁渴者急用陳氏木香散救之遲則陷伏難治矣若譫語便秘躁渴瘡紫焦者此內實熱小承氣湯若長發時倒壓腹脹者不治

腰痛

經曰腰者腎之府。痘瘡見腰痛或痛連背脊轉側不能皆因腎邪空虛邪火亢盛真陰不能勝邪之故急宜四順清涼飲救熱存陰爲務若痘未出而驟熱腰痛面色紫赤痘必乾枯紫黑此腎藏火毒盛剝急用

百祥丸或水調元明粉以下奪其熱後用消毒飲加防風紫草連翹木通若腰下見紫黑成片如蚤螫者不出七朝必死。

二便秘瀉

痘疹要小便清而長大便秘澀而潤。謂之裏氣和一有艱阻則毒邪內畜腸胃壅遏不能傳化便宜清解得大便通溺自利矣三黃丸四順飲前胡枳殼湯之類此專爲痘始發時而言若痘正養漿時而二便秘者宜審虛實治之中病卽止不可過劑若飲食如常二

便如昔內證平和不可溫補亦不可妄施攻擊也

大便秘

痘瘡出後灌漿之時雖要大府堅實爲順若痘出五六日不大便秘此毒火內乘津液外耗腸胃乾枯而秘也四順飲若色白少神不食嘔吐清水者虛秘宜錢氏異功散加歸芍若血熱口乾煩躁便秘四順飲加紫草使其便利二三度熱毒自解煩躁自寧若有風寒先宜解散然後可下若不先解恐表邪乘虛入裏后反伏而不發發亦不齊遂成陷陰焦枯等所必致

如六七日瀉膿之時。壯熱脈盛而大便不通。加味解毒散及蜜煎導以潤下之。否則腹脹喘滿矣。有過利小便。津液內耗而秘者。生脈散加常歸。又氣血俱化。成漿而四五日不大便者。只宜清涼活血。漿足自行。不須治之。薛氏云。痘疹大便不通。當分辨虛實。以手足冷熱及飲水飲湯驗之。

弱滿

痘瘡解毒。以利小便爲要。小便不利。乃熱毒結於下焦。連翹防風湯。赤滿有血者。犀角地黃湯加水通莖。

中痛者。合益元散。延久則身熱躁悶。喘渴焦紫。或生
癰破裂。或口瘡咽腫。或內作膿血。變證不測。大抵未
出之先。熱甚而小便不利。恐欲起驚。導赤散微解之。
初出不快。小便赤澀者。生聖散。長勢龐漿時。別清者。
五苓散。加水通收。醫之後。小便不利。煩熱而渴。豬苓
湯。若肺熱氣化不行。小便不通。五苓散。探吐之。元氣
虛弱。不能清理。傳道者。補中益氣。加門冬。車前。肺虛
不能滋其化源。生脈散。加黃耆。甘葷。膀胱不能吸引。
肺氣。錢氏異功散。加麥冬。五味。胃熱。小便赤澀。無過。

生聖散肝熱小便澀閉龍膽瀉肝湯腎熱水道不行
導赤散腎虛肝熱小便枯約生料六味去萸加麥冬
痢

痘瘡未出之先先曾下痢此元氣已虧起灌最難滿
足升發劑中必兼實脾爲要又須辨其寒熱赤白如
痘色紫赤口燥咽乾小便短濇痢下鮮赤此風能動
血也三奇散四苓散參用若痘色淡白四肢清冷小
水清利痢下晦淡此水液清冷也補中益氣湯陳氏
異功散參用有食積而腹急脹痛者平胃散加山楂

水通。若至二七內外而瀉利膿血。爲餘毒未盡。熱移大腸。兼之溼熱相併。紅白交作。四苓散加苓連山楂。水通連翹。大抵痘後利膿血。爲五液注下。最危之兆。若以痢治。而峻用苦寒。不旋踵而告變矣。

驚搐

古人謂先發驚而後發痘者。是熱在痘。而不在心。爲順。先發痘而後發驚。是熱在心。而不在痘。爲逆。然有因風邪所激而發者。有因脾氣虛弱而發者。不可不辨。若正當灌漿之時。忽手足搖動驚搐者。肝熱生風。

風火相搏生痰也。治當平肝木利小便爲要。瀉肝則風去利小便則熱除。先與導赤散。瀉青丸。次以四聖散。加人參。鈎藤。若手足癱瘓。口眼喎斜。涎盛。語濇。腰項強急。口張舌強者。此火盛耗金。木無所制而風生。消風散加蠍尾。鈎藤。痰盛加元明粉。若渾身冰冷。不知人事者。不治。若發搐至口噤流涎。此脾胃受虛風。或誤服涼驚之藥所致。謂之痘風。急當清火養血。卒多莫救。若痘初出時無驚搐。收靨時忽然發搐。如角弓反張。面視流涎者。此毒火傳心。移熱於肝。木來乘

上氣血俱虛最凶之兆。惟痘疹將出先發驚搐者多。
言然發一二次卽止而見點者其痘必稀發十數次
而報點者必密。報痘一二日而驚搐不止多重。雖曰
痘前搐者言若發之不止爲毒伏於裏未可以言吉
也。○安世曰大抵痘前發搐者在熱盛痘後發搐責
在正虛。昔余治一五歲兒放標時忽發驚搐痰涎壅
盛壯熱不省。忝在同道不忍坐視先與四黃釐許點
舌上遂用銷黃芩連佐以荆瀝大力之類下之一服
神清熱緩痘亦隨起反掌數次近於都門療正黃旗

四川道監察御史譚粹然。公之孫年四歲。痧後忽發驚搐。諸方皆謂莫救。亟遂予往診。其六脈虛數無力。手足時發拘攣。口眼喎斜。唇燥囊縮。便溺難證。雖危殆。以舉家懇救甚切。因思痘後發搐。多緣氣血兩虧。土衰木賊。虛風內動所致。法當溫養肝脾。峻補氣血。使正氣有權。虛風得以自息。若治其驚。是速其斃也。爲疏一方。以十全大補桂枝湯。用枝日進二服。搐遂稍定。又二服。二便自通。囊亦少縱。目睛轉動。諸證向安。但頭發毒數處。其色亦不甚赤。於前方中去芍地。

加白芷忍冬貝母三日後毒亦消散聲音清朗飲食如常惟左臂與左足不能舉動更於原方加牛膝倍當歸四劑便能步履獨手腕無力仍以牛膝易桂枝先後不逾一方調理而痊就謂證見危逆而悉委之不收哉○痘疹盛行時如見驚搐切不可作驚治一切硃砂牛黃腦麝輕粉等皆痘所忌不可不慎

欬喘

欬嗽痰喘雖屬肺熱然有氣虛腠理不固風邪侵肺而嗽吐稀痰者參蘇飲頭痛身熱鼻塞喘嗽者風寒

也。芎蘇散若欬嗽不已，辨表證者，此肺虛爲痘毒所乘，補肺湯喘脹便秘者，肺熱也。黃芩瀉肺湯有湯水入口，卽欬而吐出者，肺胃熱痰膠固也。先與梔子豉湯加葱白桔梗探吐，後服如聖飲，面白手足冷，喘促者，此虛寒也。白朮散亦有肺腕有痘，淫淫作癢，習習如梗阻礙氣道而爲欬嗽，痘收自愈，有不欬嗽但喘者，若初出噴嚏鼻流清水而喘，風寒客肺也。參蘇飲痘點乾紅，腹脹便秘而喘，毒盛氣不舒暢也。宜清火解毒，有氣虛不能逐邪外出，毒伏於內而喘脹者，乃

悶痘證不治有瀉後喘者脾氣下陷虛火上擁下氣不續也。補中益氣湯有吐後喘者胃虛不能制伏相火也。六君子湯痘四五日伏陷喘脹必再攻發復起可治痘漿半足而倒靨喘脹者宜補兼攻發復腫灌爲吉。有誤服參耆腹脹而喘枳殼湯有痘密以致鼻塞而口中氣促似乎喘者非喘也以喘治之誤矣。

涕唾

痘瘡要涕唾稠粘則熱毒容易蒸發。若涕唾稠粘身熱鼻塞大便如常小便黃赤芩蘇散加減。如痰盛壯

熱胸中煩悶大便堅實。則喘急前胡枳殼湯微利之。庶元氣不傷。痘瘡易出。

咽喉

痘出最要咽喉清利。若毒火上熏咽喉。先受以致腫塞窄狹。呼吸不能飲食。不入疼痛。啞瘡等證。如聖飲甘露飲。射干鼠粘子湯。選用。血熱咽痛者。紫草消毒飲最當。若咽痛發熱。手指初捻似熱。捻久則冷者。此脾氣虛也。錢氏異功散。若咽痛發熱作渴引飲。手足並熱者。脾氣熱也。瀉黃散。若大便溏泄。飲食不進者。

白朮散。慎勿用涼藥。致損脾胃。而變吐瀉。癘塌也。若咽痛足熱。小便赤濇。而頻數。此三陰虛。無根之火。循經上至咽喉也。生料六味。加麥冬五味。

噤水

噤水者。咽門爲毒所壅。則飲不得入。而溢於氣喉。故氣逆噴而噤也。若噤水在六七日。前見痘色紅紫者。乃熱毒上壅。若痘色灰白不綻。元氣血虛。弱肺胃受傷。大爲危兆。急宜解毒。開胃。色紫兼涼。血色淡兼補。氣若七日後。外痘蒸長。光潤。此證乃內痘起發。

而喉只須助其灌漿外痘結痂而喉自愈矣

失音

失音之證大抵肺熱氣病咽喉有痘也若於七日前見者毒氣熏蒸肺竅閉塞內瘡糜爛呼吸俱廢者爲難治若七日後喉水失音乃內瘡先熱而醫射干鼠粘子湯或有內本無瘡多服熱藥所致者忌用消毒飲去荊芥加桔梗門冬飲亦熱甚更加犀角黑參或涼膈散去硝黃若毒火上熏於肺肺受火鬱而竅塞聲啞者導赤散加桔梗牛蒡若聲啞而煩熱喉痛

吟作渴欲飲冷水大便不通者此心脾實熱急與清涼解毒夏月盛暑之時稍與冷水救之。梁古云痘疹已出而聲音如故者形氣俱不病也。痘疹未出而聲音不出者形未病而氣先病也。痘疹出而聲音不出形氣俱病也。其治法可領悟矣。凡痘瘡黑陷乾枯欬嗽失音吐瀉煩渴發熱肢冷昏睡少食痰多氣促寒顫咬牙黑陷燥癢者皆爲不治。惟猛進溫養之劑間有得生者。

寒顫咬牙

痘疹咬牙寒顫有先後之序痘正出時爲寒邪所襲則肌腠閉塞不能宣達而發寒顫宜疎解之若養漿時寒顫乃陰凝於陽陽分虛則陰入氣道而作顫保元湯加丁桂以溫陽分若係表虛風寒所乘則宜保元湯加羌防荆芥連翹木香之類痘未透而咬牙者陽明胃熱宜清解之若養漿時咬牙乃陽陷於陰陰分虛則陽入血道故咬牙也保元湯加芎歸以益陰分若係肝盛木邪乘土則宜瀉青丸合導赤散作湯一證並作於吐瀉後者邪正交攻氣血俱虛之候十

全大補湯。單見且凶。况並見乎。若痘色紅紫。大小便
秘。煩渴。欲飲水者。表裏俱熱之證。而不寒。但顫者。瘡
痛而搖也。咬牙者。忍痛也。乍作乍止。四順清涼。飲若
清。爛灰白。泄瀉不止。此脾胃虛寒。純陰無陽之證。急
用陳氏木香異功。若瘡癢悶亂。腹脹足冷者。倒醫也。
不治。若痘焦紫陷伏。悶亂昏睡。或躁擾不寧。聲啞氣
急。而寒。蠟咬牙者。爲熱毒內攻。法在不治。急投神授
散以救之。若青乾紫陷。二便不通。大渴不止者。此純
陽無陰。百祥丸。宣風散。急下以收陰津。下後身安手

足溫者方許可治。若腹脹氣喘譫語手足冷者伏陷也不治。大抵二證並見最爲危候。又當以痘色辨其吉凶。或單寒顛者當補氣之中兼補其血。單咬牙者於補血之中兼助其氣。然此二證多發於痘後。其人屬虛無疑。雖有少熱亦餘毒耳。在養漿收靨之時最忌見此。故於七日前見者可治。在七日後見者爲逆。

發泡

發泡爲氣盛血虛之候。蓋肺火動而皮毛傷遂聚而爲泡。小者如水珠。大者如葡萄。色白而空或有清水。

者氣虛有火也。治之當補脾肺順水道而虛自實矣。
錢氏異功散加車前澤瀉之類。紫而空者。血虛有熱
也。清肺湯加當歸芍藥茯苓車前。使小便下行。則氣
平血和其泡自斂。若薄如竹膜。燎漿泡者。必待漿臭
而後可治。泡碎則亡矣。

發癢

氣虛則陷伏。血虛則癢塌。痘初出而遍身作癢者。此
邪欲出。因風寒閉其腠理。其火游移往來。故癢宜疎
散而瀉肝水。邪氣得泄。痘出而癢自止。痘收斂而作

癢者膿成毒解。火氣漸微。本無毒蘊也。芍藥湯若大便秘結。犀角消毒飲。痘養漿時。淡白平塌。少食便溏。漿清而癢。爬搔不寧者。此脾胃虛弱。氣血俱虛。虛火擾攘所致。參耆內托散。甚則陳氏木香散佐之。藥不應者。凶。痘色紅紫乾滯。二便秘。口渴煩躁。漿充而癢。抓破血流者。此氣盛血熱也。四物湯加連翹赤芍白芷。蟬蛻。甚則四順飲下之。如作癢。人事清爽。自知其誤。抓破或言其癢。欲人拊之。言如癢而悶亂煩躁。語禁不止。搖頭手足舞亂。破損無血。眼斜目開。凶也。若

他處破損雖多。膿血稠粘。正面不破者。其藏府精華不散。正氣未虧。儘可收功。有面痘雖癢甚。擦破卽流。能食神清者可治。昏亂者死。若破無膿血。不結靨。如無膚之狀。寒顫咬牙。便泄。噤瘡者不治。

發渴

痘前渴者。宜清金利水。痘後渴者。當大補元氣。若痘瘡稠密而渴。爲津液外泄。生脈散在。蔡蕤生津葛根湯。如煩躁譫語。身熱者。白虎湯加麥冬竹葉。若大便秘。小便利。面黃小腹脹喘急而渴者。內有瘀血。犀角

地黃湯加歸尾桃仁紅花穿山甲。若夏暑窗牖閉塞。
煩渴。四苓散加麥冬黃連。薛氏云。若發熱作渴。大便秘結。
手足並熱。喜飲冷水。此陽盛也。四順飲。若煩渴。
泄瀉。手足俱冷。飲沸湯而不知熱。或陷伏黑。脈者。此
屬虛寒。錢氏白朮散。或陳氏異功散。選用。若煩熱作
渴。而赤睛白。此爲腎經虛熱。生料六味丸煎與恣飲。
以救腎家將竭之水。燕都小兒出痘作渴。恣與冷水
飲之。如期而愈。亦無痘毒之患。蓋北方人臥火炕。飲
火酒。有熱與水相搏而然也。按陳文宿云。痘瘡發熱。

口渴煩躁切不可與冷水蜂蜜柿子西瓜等物恐內損脾胃致腹脹喘滿寒顫咬牙則難治也蓋方宜各有不同不可一例而論張涵高曰痘出三四朝便秘溺瀉煩渴壯熱痘色乾紅焦紫必用涼膈散下之後用涼血解毒調理如八九朝元氣虛弱而痘平塌漿色清稀保元湯補之有火證發渴始終不可溫補但與涼血解毒則漿行結疔而愈

煩躁

凡痘未出而煩躁者毒火內鬱或風寒壅遏不能卽

出宜發散爲主。痘未盡出而煩躁者。亦毒火盛也。消
毒飲加連翹。黑參。痘盡出而煩躁者。乃血熱毒盛。犀
角地黃湯解之。痘長養時煩躁者。當辨虛實。若痘頂
平淡白少神。漿不易充者。此氣血不足。保元湯加歸
芍。門冬。虛煩懊惱者。梔子豉湯加解毒之藥。若綻凸
紫滯便秘溺清。乃正氣實而毒盛不解。涼膈散四順
飲三黃丸解利之。小便赤濇。益元散導赤散分利之。
若痘倒靨。喘脹而煩躁悶亂。乃氣虛毒盛難治。

昏沉

痘瘡成漿之時精神倦怠神思昏沉不省人事呼之
不應自語呢喃如邪祟狀此痘出太過心藏空虛神
無所依也人參酸棗湯氣虛大劑獨參或保元加棗
仁茯神若煩熱氣壯痰涎湧盛者改定清心丸如服
藥後不寧反加悶亂者死漿清不食者不治

汗出

痘瘡多汗則津液外泄或未漿或既靨並宜保元湯
加養血藥然又有面赤發渴汗出不及腰者皆胃熱
腎虛四君子湯去朮易麥冬下六味丸若面赤作渴

手足心熱。大便堅者。腸胃實熱也。瀉黃散若初起發熱時自汗不妨。乃溼熱熏蒸而然。切不可使用蒼朮之類以實腠理。亦不可妄用升葛之類以泄肌肉。蓋自汗則痘熱已輕。恐發泄太甚。則津液內耗。陰隨陽散。難以收靨。卽靨後自汗亦宜詳審而治。若血虛自汗。則至夜煩熱作渴。當歸補血湯。氣虛不能自固而汗。則動作喘息力微。身熱四肢不溫。四君子加歸著。有痘出平塌。淡白少神。身涼而汗者。保元湯加肉桂。當歸。有重幃煖炕。厚衣重衾而多汗者。宜漸減以清。

適之。

失血

痘疹失血俱爲危候。若氣血旺。毒火盛而失血者。乃邪從血解。不可妄投止血之劑。惟宜清血解毒。若治之不止者。凶。有氣血虛而毒盛失血者。不治。有悶痘五竅流血者。不治。有痘倒靨而鼻流血水者。不治。有熱證。誤投熱劑而失血者。宜清涼解毒。痘未盡出而用寒涼。毒爲涼激傷脾。不能運動其血。致逆於藏府之中。內毒搏滯於胸膈之上。積成穢血。妄行而暴吐。

衄昏暈。痘色淡白陷伏者。理中湯獨參湯。並加肉桂。
溫補爲主。所謂血脫益氣。陽生陰長是也。若痘尖綻。
紫滯而衄者。乃毒火刑金。犀角地黃湯加炒黑山梔。
有靨後餘毒乘脾。脾氣受傷。不能統血而衄。小劑參。
苓白朮散加炒黑連芎。若躁熱悶亂。口乾渴甚而衄。
手足竝熱者。犀角地黃去丹皮加黃連山梔炮薑亦。
有。中氣虛而不時開熱。手足時冷時熱而衄。此清陽。
之氣不能上升。無根之火條往條來也。簡中益氣加。
芍藥肉桂。有毒盛壅熾。肺金受制。流注大腸而便血。

者。四物湯換生地加芩連。若下血不止。昏睡不醒者。危。凡瘧中失血。惟從鼻出者可治。從口中及口鼻齊出者多不治。亦有從瘧瘡出者。則爲走泄。走泄多。則分肉空虛。毒無定位。是皆有犯於裏。爲難治也。

身痛

經曰。諸寒爲痛。又曰。甚熱則痛。又曰。諸痛爲實。三說不同。各有其理。當熱作之時。毒始運行。忽遇暴寒。折之毒邪。壅於皮膚之間。不能宣發。此因寒而痛也。宜透肌運表。如煩躁渴甚。狂言讖語。便秘溺赤。更值春

痘更次之令痘見乾紅焦紫就火熱而痛甚就陰涼而痛衰此因熱而痛也宜清涼化毒若身不壯熱口不煩渴飲食如常二便清調痘見尖綻紅澤至七八日漿極充滿惟覺根窠脹痛此諸痛爲實宜平和疏養若初出而身痛者爲發未盡升麻湯冬月加蜜炙麻黃二三分既出稠密而身痛爲毒盛瘀血也犀角消毒飲倍連翹加紫草兼腰背痛者肝盛血凝也瀉青丸減大黃加甘草防風便秘腹脹四肢厥冷唇痛瘡色紫黑者難治百祥丸若遍身如蠟而色紫者瘰

毒壅滯最危之兆。若二便秘結。喘急煩躁。梔子仁散。自利不食者。不治。若身後痛。屬太陽經。用羌活防風。甘草身前痛。屬陽明經。用升麻葛根。紫草身側痛。屬少陽經。用連翹柴胡防風。四肢痛。屬脾經。用防風芍藥甘草。急止之。蓋恐叫號傷氣。忍痛傷血。而致變證也。若食雞魚酒物而致者。清胃散加生犀汁。大凡痘瘡。切不可食毒物。恐作痛。致傷元氣。輕者反重。重者難治。然有專取毒物以攻其毒。如豬尾膏。雞冠血。攻毒湯等方之義。不可以此礙彼也。

頭面

朱濟川曰。痘未起發而頭面先腫者。此陽火亢盛。陰血不能歸附。氣血相離之象。若痘瘡起發。頭面以漸而腫者。此毒氣發越。聚於三陽。欲作膿血。故宜腫也。設當起發而頭面不腫者。必痘本磊落。毒勢輕淺。所以不腫。如痘本稠密。起發應腫不腫。此毒伏於內。不能發越。治宜助正爲主。如痘稀疏。起發不應腫而腫者。此感疫毒之邪。須兼疫氣而治。如應腫而平塌。如傷餅。或痘肉齊平。或乾焦紫滯者。此毒盛氣虛。不治。

之證也大凡應腫者直至漿滿結疔毒化而腫消目
開爲吉若疑未充足而腫消目開者此正氣不足不
能化毒成漿名爲倒靨乃凶兆也○聞人氏云痘疹
屬火面色赤者爲順赤甚爲熱若肝木尅脾面色青
者是爲逆也急用四君子或附子理中竝加升柴調
補脾胃色正方許可治有痘毒遇風寒相搏凝滯於
肌肉徧身皮膚色青急用奪命丹發之然冬不救

正額

朱濟川曰額乃心之部分若痘出徧處平黯而正額

勻則綻山紅潤調理無虞。偏處雖勻紅綻而正額平塌灰滯無神者。此元氣不足不能成功於上凶也。正額雖平塌而間有數點尖綻者。險也。又須兩額頰來助若額頰不起發無潤澤爲氣血不足終不可治也。若眉心密簇如錢而色灰滯雖徧身閉綻八九日漿行俱滿。眉心必空殼無水後必癢塌倒壓喘脹而死。

手足

朱濟川曰四肢之痘應出不出應起不起應漿而清水應收托而不痂應脫磨而粘著不脫者皆脾胃虛

不能旁達四肢也。治宜調理脾胃爲主。然四肢始終
貴乎溫暖。若痘出手足冷者。脾弱也。痘出而手足作
痛者。乃毒火乘脾。疏解爲上。若遍身漿滿而四肢尚
空。穀多有不治者。臨病之際。可不撫按手足之溫冷
哉。又有自言手足冷。及按之熱。而夜卧不寧者。此脾
弱而虛陽發露於外也。當補脾調血爲主。痘出而兩
足常動搖不休。此熱毒流於陰分。不治。若出七八日
足不伸者。不治。

唇舌

痘出始終以唇舌紅潤爲吉。若唇口腫脹紫黑乾裂。或有痘先黃。或唇色皎白。或有白泡。或腫爛流膿者。皆毒火乘脾極爲危候。當先升解以化其毒。次補益以培其本。庶可無虞。若痘出稠密。唇口瘡相粘乾黑者。死證也。若臭爛延及牙齦。腮頰腫破。而成走馬崩砂。牙宣。息露。狐惑等證。皆不易治。卽用化愚丸。馬鳴散。亦難取効。若初見古白。唇紫。卽知實熱。急投涼膈散。及馬鳴散吹之。庶可急奪其勢。若見痰喘作渴者。不治。若氣虛火盛。津液不能上行。而舌乾口燥者。補

益爲主。若毒火盛而舌乾口燥者，解利爲主。若舌上燥黑芒刺者，此熱毒內蘊，急用硝黃下之，或可十救一二。又舒舌者，脾之熱；弄舌者，心之熱。有因脣燥而舒舌者，亦脾之熱也。若痘稠密漿清，脣口推動昏沉，寒顫者，不治。脣口稠動，目眶內陷，足常動搖者，不治。若下脣有白屑如芝朮，或翻轉如葵花，或有紫泡出血，及脣燥裂而見面色枯槁，煩渴不止，及腰足痛者，皆不可治。

眼目

痘疹初發熱時目赤腫者風熱上攻也四五日間目赤者火毒盛而上熏也痘後目赤腫者餘毒鬱於心脾也○痘疹出多至灌漿時自然眼閉然乾靨之後又當開眼若仍閉不開者此毒氣上攻於目急宜清解餘毒甚則涼膈散加荆芥牛蒡蟬蛻大抵過期不開卽當以舌舔潤去其眵汚自開○痘瘡害目不在於初而在收靨之後皆由頭面痘密膿血膠固或破爛而復腫灌毒火鬱蒸內攻於目又或痘出太盛成就遲緩過服辛熱失於清解或逼受火氣或衣衾過

厚或客冒風寒。或恣食諸卵。皆能害目。治當活血解毒。得血活其毒卽解。切不可槩用涼劑。恐冰凝血脈。終成痼疾也。亦不可點香竄之藥。穀精散。決明散。蜜蒙散。神功散。羚羊散等方。選用。○初見點時。有痘叢生目中。急須移痘。丹移之。庶無害眼之患。方雖似誕。而功效特奇。不可因其異而忽諸。若三日後根氣已定。不可移也。輕以象牙磨小點入。移之。

餘毒

痘瘡平塌。剝壓破爛之證。用藥得以收靨者。餘毒發

泄未盡必循經絡而出發爲癰毒。看何經絡而用藥。俱以托裏解毒爲主。如未潰腫硬者。排毒散隨元氣虛實加減。外用生黃豆嚼爛。罨之。或大黃酒煮入真菴豆粉敷之。或蛇蛻燕生豆漿貼之。若潰腫而膿未透。解毒內托散加白芷。陵鯉甲。外用海石細研蜜調敷之。如已潰膿盡者。十宣散加連翹。忍冬。凡痘後餘毒發癰。根赤而作癢者。氣虛也。四君子加當歸芍藥。色赤而腫痛者。血熱也。四物湯換生地。加犀角。陵鯉甲。連翹。忍冬。腫而不潰者。氣血兩虛也。托裏消毒散。

潰而不愈者脾氣虛弱也。六君子加歸耆忍冬。若發於皮膚之外。或大片小片如塗朱。或作核腫痛。不可摸者。此名紫丹瘤。內藏毒盛。雖用解毒藥亦難消散。從上發者過心卽死。從下發者過腎則死。急以磁鋒砭去惡血。毒腫未平再與砭之。更須內奪其毒。得以開泄也。若皮膚發出隱隱紅斑搔癢。或紅塊者。俗名蓋痘痧。消毒飲加防風。若收靨安好。忽然手足厥冷。此脾氣虛弱。不可認作寒證。參耆內托散加桂枝。若手足忽然拘攣不能屈伸者。此外感風寒淫三氣。勿

用發散耗血之藥。十全大補湯。用桂枝。芍藥。才骨節痛。加羌防。有痘瘡收靨後。忽然下痢膿血者。此毒氣流入大腸。須二三日間。聽其下盡。然後清熱利小便。再後補脾健胃。不可用止瀉之劑。若熱毒蘊蓄於肺。閉塞咽喉。則口張不食。欲吐不吐。乾嘔聲嘶。此胃中有瘡腐爛。最凶之兆。急用消毒飲。加甘桔。黑參。牛旁竹。葉。并磨犀角水救之。遲則咽爛而死。若腹痛脹滿。煩躁氣急者。此毒入於脾。當用枳實導滯湯。利之。否則喘急厥冷。難治矣。若痘後勝常飲食。日漸羸瘦。此氣

血兩虧胃中虛火也。錢氏異功散。四物湯。並加黃連。相間服之。更節飲食爲要。若大便秘結。毒盛血枯也。消毒飲。加生地黃。麻仁。杏仁。以潤之。因多服熱藥。燥結者。消毒飲。加麻仁。芍藥。山梔。若口舌生瘡。赤者爲心脾蘊熱。宜涼膈散。白者爲心肺有熱。宜清肺湯。外以青布蘸水拭淨。用馬鳴散。擦之。收靨時。口舌生瘡。及患齒疳者。皆由餘毒不解。乘於陽明。而熏逼上焦也。宜清胃化毒。甘露飲。加犀角。連翹。咽痛者。亦由餘毒留於管籥。肺受火淫。而爲腫痛也。如聖飲。若收靨。

之後目閉不開。或生翳膜。疼痛皆暗者。俱宜涼血解毒。清心瀉肝。隨證治之。若收醫未齊。忽發餘毒。而身面目睛俱赤者。難治。翁中仁云。痘疹既醫之後。或成癰腫。人固知爲餘毒矣。不知氣高而喘息作聲。擗背擡肚者。餘毒之在肺也。痰涎稠粘。咬牙戛齒。泄瀉不止。而口臭者。餘毒之在脾胃也。盜汗出於胸前。向午則熱而渴者。餘毒之在心包也。睡中多驚。身常發熱。餘毒之在肝也。耳輪與尻常熱。餘毒之在腎也。眼合不開。身腫不消。壯熱不清。鬱鬱不樂。諸經皆有餘毒。

也。又須知發於顛頂及胸者爲心經之毒。發於臂肘及背者肺經之毒。發於脇膝及筋聚處者肝經之毒。發於七節之傍及尻上者腎經之毒。發於正面及咽者胃經之毒。肝肺及胃之毒多易治。心毒多危。腎毒不必治也。大抵血熱毒盛而發者其毒必焮腫色赤。能食便秘並宜消毒飲加解毒涼血藥。胃氣實者排毒散微下之。若氣虛毒盛而發其毒必漫腫色淡。食少便滑雖用參耆內托多不可治。若用犀角苓連黃黃之屬是速其斃也。如徧身流注清水延綿不已者。

不治

婦人

女人天癸既至。陰常不足。痘瘡以氣爲主。血爲輔。一有不足。則變易生。如發熱之時。正遇經來。此熱從血解。瘡自發出。最爲吉兆。若四五日不止。則熱入血室。血必妄行。內動中虛之證也。小柴胡加芎歸。若非經行之期。於發熱時而經忽至者。此毒火內熾。逼血妄行。必瘡多毒盛。急以犀角地黃湯加紫草。蟬蛻牛蒡。連翹。使熱清毒解。痘出經止。方無變患。遲則內虛瘡

陷矣。又如起發灌漿之時。適遇經行三四日不止。必難起發。灌漿或平塌。或灰色。或黑陷。急用十全大補湯加熟附。使起發。灌漿或出贈痘爲吉。若寒顫咬牙。喘滿者爲內脫。不治。又如起發灌漿之時。經水適來。或口瘡不能語者。乃血去心虛。不能上榮於舌。先與保元湯加歸地門冬。扶神棗仁。待其能言。後以十全大補湯加豬心血調服。又經不斷之時。適逢出痘。發熱神昏。言語狂妄。循衣撮空。如祟狀者。此經後血室空虛。邪熱乘虛而犯衝脈也。四物湯合導赤散加麥

冬又如崩漏不止氣血俱虛之後出痘此必不能勝
已雖十全大補多不可救又如向來經閉不通血海
乾涸適逢出痘毒氣怫鬱衝任之間二陽之證併發
攻之則妄行不止宜歸脾湯調其心脾使毒得發泄
庶或可收至如孕婦出痘最爲可慮不問輕重悉以
安胎爲主胎動不安者四物湯加參朮砂仁有熱證
常用黃芩必須酒炒胎安痘出稠密參耆肉桂散加
紫草歸芍至如痘瘡正在起發灌漿時忽遇分挽氣
血俱虛十全大補倍參耆加熱附子以補氣血甚則

大劑保元湯更加膠艾薑附續續灌之。若少腹急痛瘀血未盡須加肉桂。胎下之後絕無瘀血按之愈痛者此必瘀積少腹加炮黑山楂以伏龍肝煎湯代水煎藥。臨服再加熬枯黑糖半兩最妙。若咬牙寒顫腹痛作渴手足冷身熱者此脾胃內虛而顯假熱於外也。十全大補湯加熟附服後止者吉。不止者凶。如產後半月十日之間適遇出痘此氣血新虛必以大補氣血爲主。大抵男婦婚嫁之後出痘其頂必不能高聳其形多大而扁闊其色多淡而不黃不可拘小兒。

元氣未發泄之例

疔

痘瘡從顴骨上起者曰當顴痘。明朗不妨稠密者危。
○在口兩角出者曰監門痘。後必成水泡及瀉。○下
頤先出曰脫鬚痘。漿雖充灌終屬危候。○痘出紅活
光澤粗細一勻者曰石痘。吉。○手足四肢皆有惟身
少者曰四腕痘。凶。吉相半若身面皆無者不治。○通
身皆有足心無者曰無根痘。須看周身多少。少者吉
多者凶。○上身少下身多者曰逆痘。凶。○上身多下

身少者曰順痘。吉。○上下有而中間少。或兩脇多而
腹上無。腿上不起者。曰兩節痘。危。此證當從虛治。○
胸前獨多。曰瞞心痘。多凶。加渴瀉者不治。○兩腰每
邊一箇紫大者。或皆紫黑如蚤咬者。及未出先見腰
痛者。曰折腰痘。五日死。○初報點五七粒成叢數十
處皆然者。曰梅花痘。起腫必連成一片。平塌若有暗
痘。光澤如珠者。吉。暗痘亦平塌枯滯者凶。○報點周
時。卽痂復又報點。如是數番。名九焦痘。可治。若當額
地角顴骨心胸背手耳後。有一二箇黑陷者。亦曰九

焦不治。○痘粗肥而嬌紅色艷不能結實者。是痘不可因其好看而妄斷爲吉。急宜調補脾氣。否則爲瀉瀉。癢塌之患。○痘出而頂有皺紋者。曰椒皮痘。或紋如茱萸者。皆不治。○痘出紅潤而中心少有黑點者。曰茱萸痘。爲血熱可治。○中黑陷而四圍灰白者。曰陷頂痘。九日死。○初出狀如蚊蚤所嚙。三日後反不見者。曰反關痘。五日死。○痘起黑陷。或紫黑中有血疔者。曰紫疔痘。七日死。○痘瘡中有紫黑疔。生於頰上太陽當心者。曰黑疔痘。三日死。○痘黑而光澤者。

曰賊痘在背部與當顙監門及拘腮鎖口俱用銀鍼挑破以珍珠散塗之。○初起瘡色淡紫成片曰紫雲痘十日死。○痘未出時先驚搐曰先驚痘不必治驚痘出自愈若出而復沒雖少而不起發者難治若已出而發驚者曰逆驚痘不治。○痘起稠密無縫紫黑成片而發搐者曰驚搐痘不出六日死。○痘出雖有縫粒密而色昏者曰數更痘不治。○痘出不圓不起頂紅根白者曰頂紅痘不治。○痘空處有雲頭紅色者名夾斑痘治之而斑退痘起者吉否則凶。○痘空

細密有頭粒者曰火疹。痘稀而疹先退者輕。痘密而疹不退者重。○痘出大便秘結而痘瘡明紅。活者曰關門痘不妨。○痘瘡不成膿而內瀉痢者曰伏陰痘。治宜溫裏。○痘瘡紅潤而引飲渴不止及狂言譫妄者曰向陽痘。治當涼解。○痘瘡正出而胸膈高腫。內不寬者曰結胸痘。下之生遲則死。○周身皆收。屬脫痂。巔頂一粒紫大不收者曰鶴頂痘。二十日外必發驚而死。亦有周身痂脫正額一粒潰而不斂。至月餘作癢破出臭膿。聲啞悶亂而死者。有周身痂

脫頭上一粒不斂。至四七日忽癢甚。出蛆聲。啞悶亂而死。皆鶴頂之類也。○有收靨脫痂之後。忽身發火熱。舊靨愈處重出一番痘。棘囊聚腫痛愈加者。曰橫痃。痘此毒竊營衛。急宜涼血解毒。當慎風寒。節飲食。否必毒邪攻迫。腹脹潰爛。陰陽不分而死。○痘皮薄破爛者。曰溼痘。大劑補脾燥溼。問有生者。切禁黃蓍。以其反助表溼也。○痘一出如豆殼水泡。兼腹瀉不止。曰水患痘。不治。○痘起脹而與肉齊平。雖有黃漿根血紫滯者。曰板黃痘。亦名延日痘。雖痂盡脫而日

漸枯涸。延至月餘多死。○痘四圍平塌。潤薄中間一點色白而黯者。曰蟾蜍痘。必死。○痘出數粒成叢。平塌不起者。曰蜘蛛痘。治之起發。分類者吉。否則凶。○初起發時。瘡頭便帶白漿者。曰疫痘。不治。○痘點見於下頤。或耳下眉心。若白頭如痞。漸乾枯倒陷者。曰白悶痘。三四日死。若報點如丹。漸乾焦紫黑者。曰紫悶痘。五六日死。若喘脹。衄血。便血者。曰緊悶痘。二三日死。○痘周身皆白。內空殼一聯者。曰蛇殼痘。難治。若變臭者可治。○痘瘡至漿來而潰爛臭不可聞者。

曰臭痘無妨。臭而裂者爲外剝不治。○痘稠密不能起發。灌漿六七日間。忽瀉膿血者曰瀉漿痘。此證多有生者。雖危不妨。○痘初起時光澤。至四五日反不起而伏陷。將發虛寒者曰伏陷痘。急當扶裏爲主。○痘雖起發。灌漿未足而忽然乾靨者曰倒靨痘。多危。○痘出既紅。忽然變白。更加寒顫咬牙者曰寒顫痘。急當助表養血。亦須防過二十四朝方可無事。○若先出紅澤。適遇婦人經事所觸而變灰白色者曰血厥痘。急覓月月紅花或莖葉前湯調紫草茸末。

一錢匙入酒釀服之。緩則難救。

異痘

夫痘有似凶而吉者。似吉而凶者。不可不辨。如諸痘不起。而天庭曉星起。灌者吉。諸痘壯起。而天庭曉星不起者凶。○諸痘不起。而太陽獨起者吉。諸痘壯起。而太陽不起者凶。○諸痘不起。而耳邊方圓寸許。獨起者。腎經旺也。吉。諸痘壯起。而耳邊方圓寸許。不起者。爲腎敗也。不治。遍身俱起。灌惟左耳下外面有兩三粒不起。灌者。肝腎毒盛。定作脣裂齒乾。宜急救之。

○凡頭面四肢密者爲險。若得地角有數粒如珠者。爲順。諸痘俱好。地角獨伏陷乾枯。或灰白不起者。爲逆。○痘偏身俱陷。惟尻骨飽滿如珠。此腎藏有權。補托灌漿卽愈。○面部俱稀。而鼻梁左右密如蠶種者。毒聚於胃也。危。面部俱稀。而口角有黑痘一粒。獨大。或兩邊有兩粒者。爲欄門疔。初起可救。五六日不治。○痘出遍身稀疏。惟項下稠密一片。至頤者。名鎖項托。頤不治。若喉頸太多者。急用山豆根。牛蒡子。黑參。木通。甘桔。芎歸。生地。荆芥。輩治之。遲則毒結咽喉。不

救矣。○初見標時。胸上臍下俱有。中間一截無者。此脾胃虛。急用參耆歸芷。厚朴紫草。木通。防風。輩救之。七日之外難矣。○痘出遍身斑斑成片。如打傷痕者。不治。○痘標既完。手足胸背俱多。而頭面無者。氣血不能上升也。急用升麻。芍歸。甘桔。防芷。蘇葉。前胡。加薑服之。五日後不治。曲池生癰而死。若遍身稀者。不在此例。○初出便如菜豆。兩三日大如碁子。其痘根頂全無血色。比衆獨大。按之虛軟。曰賊痘。四五日出血而死。○痘出數十粒成塊。肌肉結硬。中有一大者。

曰痘母此血凝毒盛急須挑破內服真人解毒湯外用綿臘脂煮熱敷之敷之肉不柔和者不治○頭面無空平塌色白俗名蛇皮此乾枯不能作漿至十一二日必危若得發臭而不剝裂者可治○初標紅潤至四五日忽變伏陷此爲藥患急扶表裏○痘雖肥滿而內實乾無血水者死○痘中有凹四邊特起明亮堅硬漿板不化形如石白者不治○痘瘡生蟲皆溼熱所化毒流皮膚也雖冬月亦有之以椰葉鋪下令兒卧上則蟲自死無椰葉時預收乾者爲末香油

調敷亦効。○初出血點其色紅紫。遍身如點朱者。六
日死。○血泡協熱而漿肥滿。刺泡血紅。急以犀角地
黃湯加白芍治之。血黑不治。○痘本稀少。四五日起
發。六七日收靨。痂乾而赤。九日而痂落。此氣血充足
毒少。故隨出隨痂。不及作膿也。最佳。○瘡雖起發。四
畔又出小痘。攢簇如粟米。不長養灌漿。必加搔癢
而死。○瘡頭有孔。膿水漏出。堆聚乾結。或清水自破。
水去乾黑者不治。○痘發漿泡。而人中平滿。脣翻腹
脹。氣急者不治。○痘發潦漿泡。切忌損破。漿臭後猶

或可治。破則不治。○其形如豆殼灰白全無血色。擦破血出無膿不治。○痘已出齊紫色不起不漿如浮萍貼於肉上者不治。如微微高起。爬出有血。急以涼血解毒之劑救之。○黑痘多屬血熱。本爲惡候。然形狀多端。宜隨證解救。紫黑點子隱於皮膚間者。用人牙錢及豬尾血酒釀調五七分量。人大小與之。初出便不黑點。急用紫葳茸三錢酒煎服。或形如痣。或如牽牛子。或如煤炭。或青紫成塊。皆爲寒閉熱毒。宜化毒涼血。劑防蟬蛻紫草黑參木通連翹輩救之。熱甚

加黃連黑而軟大者氣弱毒盛也。保元湯加紫草已。
上諸證竭力圖成。或可十全一二也。○近看如水蓼
花。遠望如胭脂色。清水不能成漿者不治。○先見標
一二點於面部。或口脣上下。周身俱無如常起脹。灌
漿收斂。此爲報痘。不知者以爲本痘稀少。以火煎之。
紅點隱隱藏於肌肉之內。急宜托裏解毒。其痘齊出。
否則頤下發癰毒而成不收。

逆證

痘瘡不治之證。總勉強用藥。終無生理。初出時從天

庭司空太陽印堂方廣等處發出。或如蠶種。或如魚
鰓。或如點朱。灑墨。潑青。或青黑紫斑。或肌肉有成塊
處。或有青臃。或紫黑乾枯。或遍身有瘙疹。或如玳
瑁。或頭面一片如臙脂。或初出紅點帶紫。或夾斑如
錦紋者。俱危於四五朝。遲則不過六七朝也。若見青
斑者。傾刻危矣。○若遍身不起。俱發紫黑斑點。或初
起頂陷。連肉通紅。或如沸無縫。或薄如竹膜。摸之便
破。或如蛇殼。如魚皮。頂陷如羊眼。赤亮如湯泡。火燒
或腰腹作痛。上下出血。或如妝糕。成片連貫。眼合無

漿者俱危於七八朝。遲則不過十朝也。○若四五日
面封浮腫而瘡不腫。其痘黑陷紫陷。或灰白。或發
紫。泡水泡癢塌者。危於十一二朝。其泡刺破出黑血
黃水者。不治。○若四五日諸痘未灌漿。脣上有瘡。先
黃。失於針挑者。不治。○若五六日內痘白而腫光亮
如水。根脚不紅。或聲啞氣急。或鼻陷。齒齙。或目閉。忽
開露白。無神不省人事者。不治。○若六七日不能灌
漿。但空殼乾枯。全無血水。搔破無膿血。而癢塌者。十
二日死。有膿血者不死。○二三日根窠不分紅腫如

瓜或如冷粥結而或如胖蠶之形或如油光黍米內有紅紫或頂陷有眼如鍼孔色紫黑者俱不治○若兩頰兩頤多致成片如塗朱者此肝乘脾當十二三朝不食而危○若七八日間陷伏焦紫乾枯不能灌漿或咬牙寒顫譫語狂躁煩悶澆水錯喉在七日前見者難治或目閉口中臭爛成疳延及內外者不治○或七八日後腹脹氣喘有痰如拽鋸啼哭不止者可治無啼哭者不治○或嫩薄易破抓塌成餅堆聚如雞屎泄瀉不止者不治○或瀉下如豆汁或便膿

血或乳食不化痘爛或口鼻脣焦或目閉反開者不治。或不時哽氣如欲大便狀或胸高突起神昏悶亂或舌卷囊縮咽腫不食或蹇脚不伸或憎寒四肢逆冷或目閉腹脹厥冷過膝或先痘後驚連發摘不止及痘後慢驚目無神而色青者皆不可治。當醫癢塌無膿皮如血殼者必發寒顫咬牙日噤而死。婦人經水不止或墮胎下血身大熱不退者並不可治。凡發熱時頭溫足冷昏悶如癡渴飲不止者其痘必危。凡腰下見點腰上不出者不治。凡斜視

之腹如橘皮。不分肉地者死。○起脹時色白如飯。平
場不起者死。若此者。乃毒盛血枯。不可認以爲虛寒
之候。○至如可畏之證。附列於後。如不食。或多渴寒
顫。困倦。脾虛也。○憂齒噤牙。子經熱甚也。○煩躁體
熱。搖頭。肝熱生風也。○吐逆泄瀉。食不化。便膿血
者。脾腎虛寒。毒入大腸也。○瘡作黑坑。內無膿血者。
腎熱脾虛也。○大小便濇。口渴者。心肺熱也。○喘急
痰盛者。肺熱甚也。○已上可畏之證。內犯一二用藥
得効者。生。不効者。死。若犯三四證。必無生望也。

諸證

頭疼可治。○目閉初起不治。八九日無事。十三四日凶。○欬嗽無事。○氣急初起無事。八九日凶。○搖頭初起雖凶可治。八九日後不治。○聲啞初起難治。七八日可治。痧落後凶。兼喘急不治。或哭泣聲啞。色澤者可治。色晦者不治。○喉痛初起可治。痧落後凶。○譫語初起重。痧落後凶。○心胸痛不治。○腹疼初起無事。痧落後凶。○腰痛初起及痘中凶。十四日後無事。○項不能舉。天柱折。雖結痧。乾靨二十日外必凶。

○十指冷脾虛者可治。毒盛者不治。○手足搖不治。
○手足痛初起凶。八九日無事。○足冷過膝不治。○
眼耳出血不治。○鼻衄無事。○吐血鮮紅可治。紫黑
不治。○尿血不治。○大便血可治。○吐黃水腹不疼
無事。腹疼者凶。○吐清水無事。○吐濃痰無事。○吐
臭痰不治。○錯喉初熱凶。灌漿時不妨。○寒顫初起
不治。七八日後亦不可治。○咬牙初起不治。起長時
凶。七八日後可治。○泄瀉清白寒也可治。○泄瀉黑
水藏府壞也不治。○吐衄初起吐一二條無事。多則

凶。十四五日吐出卽死。便出多者亦凶。○燥渴結痧後凶。○不食結痧後凶。餘毒盛也。

看法

朱濟川曰。醫以認證爲要。凡一入門。必先知其家貧富。何如。時月炎冷。何如。兒之稟賦。何如。形色善惡。何如。脈診微盛。何如。肌膚老嫩。何如。痘出稀密。何如。部位順逆。何如。氣血虛實。何如。表裏寒熱。何如。聲音清濁。何如。口舌燥潤。何如。睡卧安否。何如。舉止動靜。何如。飲食多少。何如。二便堅利。何如。又有凶中藏吉。吉

中藏以不可不辨審此數者隨宜而治可也

用藥

痘瘡者血蘊也。治宜活血爲主。故紫草紅花不可少。紅甚便滑則忌。山楂散血消積。胃虛不能食則忌。甘草解毒和中。中滿則忌。陳皮健脾行氣。自汗則忌。大腹皮利水治脹。發散則忌。牛蒡子疏風潤色。滑竅通肌。泄瀉則忌。木通疎利膀胱。溺多則忌。訶子烏梅止瀉。渴飲汁便實則忌。參朮扶元益胃。血燥毒盛則忌。升麻葛根升發開提。痘密汗多毒盛裏實則忌。羌活

白芷類補追膿氣虛則忌歸芍治血補血血熱黑痢
則忌芍藥地黃涼血勿陰血寒不發則忌辰砂定則
除熱却煩灰白不發則忌糯米煖胃實脾氣滯則忌
防風散風解熱氣喘則忌木香調氣散寒止腹痛瀉
青斑黑燥渴則忌厚朴溫胃治脹煩渴則忌細辛發
散上行通肺燥熱則忌柴胡發表透熱氣升則忌前
胡除痰治嗽便泄則忌半夏消痰止嗽燥渴則忌麻
黃紫蘇散表逐寒表虛則忌薑桂助血溫中血熱妄
行乾紅焦紫則忌附子回陽補元治虛寒厥冷煩亂

則忌大黃蕩滌實熱胃虛食少則忌人牙起發腎刑
陷伏血熱毒陷則忌山梔降火下行氣虛便溏則忌
犀角涼血止衄時值行漿則忌牡丹皮行血歸經痘
前多汗則忌肉苳蔻健脾止瀉便實則忌桔梗開鬱
發導胃下則忌蟬蛻驅風散毒表虛汗脫則忌枳殼
寬胸下氣氣虛下陷則忌胡荽乳香時焚開竅血熱
毒盛煩渴衄汗則忌黃檗萊豆生甘草等分煎膏預
先塗目眶或臘脂塗眼眶耳前使痘不侵目出後則
忌一發熱起便以綠瓜近蒂三寸連子燒灰存性加

辰砂酒服可使痘稀見點則忌每年端午日服之服久可使不出也

禁忌

痘瘡自初出至收靨時藏府俱虛外邪易觸飲食易傷必須避風寒調飲食日用胡荽紅棗大黃乳香焚之若血熱毒盛禁燒胡荽紅棗之屬恐變煩渴焦癢之患如煎油炒豆殺牲腥血硫黃腦麝諸香葱蒜穢之氣及孕婦月經房事淫氣僧尼孝服生人及鐃鈸金器之聲俱宜避之勿令洗面恐生水損眼故也

眼鼻勿動其癰則無眼吊鼻齲之患。行坐勿令太早。免致腰痠脚痛之虞。能食者與鯽魚白鯊之類。切不可與生冷瓜柿梨橘茱蒜醋醬橙棕雞鶩椒薑辛辣等物。雞子害目。亦不可食。近世多用鮮筍鮮魚發痘。若脾胃虛寒者。誤與每致泄瀉不食。如天大寒蓋覆常宜溫煖。恐毒氣爲寒所滯。則痘不能生發也。如天大熱勿使客熱。與火相併致增煩躁潰爛也。其麻疹比之出痘固輕。然調治失宜。風寒不避。禍不旋踵。一切辛辣厚味助火醅收之物。咸須禁食。如醃醋胡椒。

豬肉核桃及梅杏櫻桃梨柿芋薺等類若誤犯之則有伏慝焦紫喘脹聲瘖而難救也誤食雞則終身肌膚粟起誤食糖霜多發疳蝕必俟兩月後方無禁忌也

麻疹總論

麻疹者手足太陰陽明二經熱所發小兒居多大人亦時有之是亦時氣傳染之類其發熱時多欬嗽多嚏多嘔眼中如淚面浮腮赤多瀉多痰多熱多渴多煩悶甚則躁亂咽痛唇焦神昏通身紅赤起而城

粒勻淨而小斜目視之隱隱皮膚之下以手摸之磊磊肌肉之間其形若芥其色若丹以其陽氣從上故頭面愈多者爲順法當清涼發散爲主藥用辛散以升發之涼潤以清解之切忌酸收凡動氣燥悍及一切溫補之藥慎不可犯誤用禍不旋踵辛散如荊芥薄荷前胡葛根麻黃石膏鼠粘子涼潤如黑參枯藁根葳蕤麥冬生甘草芩連貝母連翹竹葉皆應用之藥又當隨所發月時量兒大小及見證輕重而爲制劑右漸出漸收者其勢雖輕而熱尚未平須防喘急

若連綿三四日者其勢雖盛而熱已發泄必無他變
宜大青湯或消毒飲加黑參石膏麥冬竹葉若發熱
時偏身汗出或衄血者此毒解也勿遽止之若汗出
太多血流不止當以清肺湯去欬冬杏仁加麻黃根
以飲汗犀角地黃湯以止血遲則氣虛神耗爲難治
也若發熱時或嘔吐或自利者此火邪內逼毒氣上
下行也俱宜清熱解毒利小便切勿止瀉大凡疹證
發熱時未有不渴者但當與葦豆燈心湯勿與冷飲
致成水畜多生變幻也卽葷腥酒麪生冷水果咸須

禁之。麻疹多有熱痰在肺。初發時必欬。欬宜清熱透表。不得止欬。麻後欬。切忌辛溫酸滯。但用清咽滋肺湯。以清餘熱。痰壅自愈。多喘者。熱邪壅肺也。切勿定喘。惟應大劑竹葉石膏湯。去半夏。加貝母。黑參。薄荷。如冬天寒甚。麻毒爲寒鬱於內。不得透出而喘。加蜜酒炒麻黃一劑。立止。夏月熱勢甚者。卽用白虎湯加竹葉。忌用升麻。誤服必喘。然喘爲肺氣壅遏。故喘必兼欬。而張口擡肩。皆肺竅不通不治也。故諺有喘而欬。嗽者可療。喘而不嗽者難醫之語。又其證多泄。

瀉慎勿止。滿惟宜。芩連蕩根則瀉。自止疹家。不忌瀉。
瀉則陽明之邪熱得解。是亦表裏分消之義。又有疹
收之後。飲食如常。卒然心腹絞痛。遍身冷汗如冰者。
此元氣虛弱。而中惡氣也。朝發夕死。勿妄治之。凡麻
疹以鮮明似錦爲吉。黑晦如煤最凶。頭面不出者重。
紅紫黯慘者重。咽喉腫痛不食者重。黑黯乾枯一出
卽沒者不治。鼻扇張目無神者不治。鼻青糞黑者不
治。牙疳臭爛者不治。疹之牙疳最爲難治。外用無比
散吹之。內服加味清胃散。更加荊芥石膏。緩則不救。

疹中諸患。不宜依證施治。惟當治本。本者。手太陰足陽明二經之邪熱也。解其邪熱。則諸證自退矣。○有來痘而出者。此毒氣太盛。故一齊湧出。不必治疹。但當托痘爲主。然治痘宜溫。治疹宜涼。此又不可不審。大人男婦出疹。當與外感並治。惟清涼解表。隨天時寒暑施治。凡麻痘並作。藏府風熱交患也。麻乃風邪外感。痘爲胎毒內發。二者相雜。赤暈發嫩。多有誤認。痘出太密而委之。不救。殊不知其爲疹夾痘也。當與化斑湯續續頓進。麻毒解而痘自起矣。○有種行漿。

疹子。極似痘。最難看。然痘則必有頂盤。疹雖有漿而頭粒必不堅。根盤必無紅暈也。疹後痘不結痂。乃元氣虧損。當大補脾胃爲主。不可誤認邪熱未盡。復與清熱退火之藥。

例治 四十則

麻疹俗名痧子。浙人呼爲瘡子。癩病風熱。人或未知。痧之與瘡。字學不收。皆土音習俗之訛耳。原其證之輕重。今昔懸殊。吾吳水土濡弱之鄉。生氣最易萌動。故麻疹之發。自始至終。不過二三日。卽安。從古迄今。

靡不皆然。邇來風氣變遷。有似北方氣候。卽尋常麻疹。必六七日乃化。稍若熱勢未盡。或觸風寒。或犯飲食。變證百出。其危有甚於痘者。因遍攷方書。從無痲疹專學問。有一二及此。無非附見痘疹之末。一皆簡略不詳。何怪兒科之莫能舉措。且以痘方混治。曷知痲屬陽。陽從陰化。故外出內沒而不漿。痘屬陰。陰從陽化。當外疎內托。以助膿。二者相去天淵。烏可不辨。然皆爲嬰孺說也。但今不特嬰孺少壯。每多患此。雖當參詳診切。仍不能舍此繩墨。而臨證之機活法在。

手心手繩墨又不可拘也。予聞扁鵲入咸陽秦人愛小兒。卽爲小兒醫。予由是隨時兼愛。曲盡一貫之道。爲麻疹特問生而云。

發熱○麻疹之初必由發熱。但痘熱不過二三日卽出。麻熱有六七日。或半月乃出。或乍涼乍熱。或壯熱經日不退。始熱之際必見面赤眼腫多涕淚。欬嗽連聲是其候也。熱甚經日不退。曰壯熱。惟正出時爲正候。若初發壯熱至已出而熱不少衰者。其證必重。清熱透肌。湯出盡而壯熱不退者。竹葉石膏湯去半夏。

加荊芥黑參沒後而壯熱不退者危急需涼解爲主。其有熱數日止而復作者有早熱而暮退者在初發時爲熱邪未透葛根解肌湯正出之際而煩熱轉甚乃邪熱未解而復內攻也清熱退肌湯沒後見者爲餘邪未盡四物湯換生地赤芍加連翹黑參亦有麻退身涼。越六七日而復熱者非餘熱未清卽復感風邪當以意消息。或因大病之後中氣虛而然者治本爲要臨病之機不可不審也。

部位○麻屬府候發則先動陽分而後歸陰經一身

之中陽部宜多。陰部宜少。陽部宜透。陰部卽不透亦
可無慮。若陰部多而陽部反少不透者。爲險。防有他
變。陽部者。頭面背四肢向外者。皆爲陽。陰部者。胸腹
腰四肢向內者。皆爲陰也。凡發自頭至足爲齊。頭面
多者爲順。先從胸腹煖處起。漸發四肢者。順如從手
足起。漸發胸腹背者。逆。

形色。○色貴紅潤。形貴尖聳。若色雖紅潤而不起。二
便艱澀者。清熱透肌湯。如色淡不起。二便如常。此屬
本虛。兼當培養氣血。亦有色黯不起。大便秘結。唇古。

燥赤者爲火邪內鬱。白虎湯加黑參。荆芥。其有色白。不分肉地。惟點粒高聳。晡時卽沒者。邪熱本輕也。然有表氣本虛而色白者。調護溫煖。越一二日自變紅活也。若正出時爲風寒所遏而色白如膚。必毛竅竦栗。葛根解肌湯。或癰出成片。一被風寒。便變爲白。身不發熱而反內攻。煩躁腹痛。痰喘氣急者。危如毒攻於胃。則嘔吐清水。攻於脾。則腹脹不食。攻於肺。則鼻塞喘促。攻於心包。則脣舌焦燥。不省人事。攣頭掣手。攻於腎肝。則變黑而不救也。若色紫赤而黯。是火毒。

熾盛頂粒起者可治。宜涼血飲子。識語煩躁者。黃連解毒湯調益元散。枯燥不起者。難治。若頂粒焦者。無論紅淡。皆爲熱劇之候。並宜白虎湯重用石膏。乾燥無汗。加麻黃以汗之。大便秘者。涼膈散下之。亦有癰發如雲頭大片。其形有二。一者大片焮赤。一者大片之上復有小紅點粒。皆火邪熾盛所致。白虎湯加黑參竹葉。若癰出斑爛如錦紋。或出膿血腥臭不乾。心胸煩悶。嘔吐清水。身溫熱者。白虎湯加黃芩茅朮。若初發時有似斑屑者。乃風寒在表。而成惡疹。祇宜疎

解俟麻一透。其疹自退。切勿誤認爲斑。而與苦寒之劑。致麻內陷而難救也。

欬嗽。○麻疹乾欬連聲不斷。是火邪凌燥肺金所致。然欬則毛竅開而麻易出。故未出之先。最喜欬甚。發透其欬自已。若出盡及沒後而欬仍不止者。清咽滋肺湯。欬嗽多痰。去麥冬。加橘皮。茯苓。其有感觸風寒。欬嗽煩悶。嘔逆。清水眼赤。咽痛。口舌生瘡者。甘桔湯加苓連。沒後見者。人參白虎湯去知母。易麥冬。以滋化之。

汗○痲發之際常宜微汗微汗則肌腠疎豁而邪易透不可復用升發升發恐汗大泄不無亡陽之慮其有隱陷不透之壞證用權升發得大汗而解者此特語其變也若壯熱無汗而皮膚乾燥者必風寒壅滯難出多成內攻之候或腹脹痛或發喘促宜與葛根解肌湯冬月越脾三拗選用但不可過劑亦有因熱極火鬱皮膚乾燥而難出者必致唇舌燥裂二便秘瀉壯熱昏沉或身體脹痛喘促痰鳴無論何時急宜白虎湯加黑參牛旁苓梔竹葉之類大抵痲證常以

微汗爲順。若始終無汗。雖沒後不無餘咎。其治總不逾上法也。

噎。○麻疹初起而多噎者。是內火因風邪激搏而然。正出時有噎者。其候必輕。如沒後尚有噎者。邪熱盡解。可無餘患矣。如噎而多涕者。濁壅得泄。肺氣自清。最爲吉兆。若無噎而鼻塞不通。必有風邪留滯。宜辛涼之劑以透達之。

嘔吐。○麻之初起。吐瀉交作者。順。乾霍亂者。逆。欲吐不吐者。危。嘔吐是胃中熱邪不得發洩而作。葛根解

肌湯正出及正沒時見者。消毒飲加枳實黃連多痰者。更加貝母栝蒌根。若沒後而嘔者。脾胃虛而熱滯也。石斛清胃散。其有嘔而吐虵者。胃中痰熱膠固。蟲無所養而上竄也。能食卽定。如虵出多而不能食。爲胃敗不治。

泄瀉○泄瀉爲麻疹之常候。熱邪得以開泄也。發熱時瀉而黃赤稠粘。小水短澀者。屬熱。四苓散加水通滑石已出。人參白虎湯去知母。易麥冬。其證必多發渴。渴甚不止。熱甚不退。雖數劑無妨。如瀉下清稀白。

沫腹疼喜得溫按者屬寒胃苓湯去蒼朮加煨薑瀉
利竅通而腹痛脹滿或噯氣如敗卵者爲飲食停滯
枳殼湯加檳榔木通大抵癰疹泄瀉屬熱者多屬寒
者少辨治宜早不可令其瀉久瀉久則正氣下陷或
成腫滿或變下利並宜枳實理中之類以理脾胃爲
主癰後瀉利不止口渴目閉四肢不溫者不治嘔吐
不食洞泄不知者不治

目○癰疹發熱之時眼光如水而多眵淚或白睛微
紅此正候也若沒後猶見紅赤爲肺經風熱未盡瀉

白散加荊芥薄荷黑參牛旁閉不欲開更加連翹木
通赤而腫痛者風熱上壅也導赤散加荊旁黑參
爲風熱所侵而眼眵赤爛者柴胡飲子急須治之否
則爲終身痼疾

發不出○初起發熱欬嗽渾身脹痛有似傷寒之候
惟乾欬連聲日亦多淚嘔惡便澀確爲麻疹之驗若
將發之際或爲風寒暴襲或因肢體坦露寒鬱熱邪
不能外出此全盛之勢未萌與出後沒早不同如氣
粗喘促腹中脹痛煩擾不寧而不得出急與麻杏甘

石湯或越脾湯去棗。重用石膏。輕則升麻湯以升發之。若因觸犯霧露風寒。隱現不能發出。以新猪矢中湯隔簾蒸之。冷則更添滾者。并取猪矢燒灰。葱白湯下二三錢。乃痘瘡黑陷。用燒人矢之變法。卽燒人矢亦能發之。發之仍不出者。神丹不能復圖矣。按古方癰疹升發劑中。多用升麻。曷知升麻性升能升動陽氣。每致邪熱上浮。而作喘逆。當以紫蘇葱白代用。非特升麻當慎。卽桔梗初起亦須酌用。忌其載引濁氣於上也。蓋癰疹宜涼宜潤。一切辛燥之味咸爲禁。

劑用藥之機可不爲之慎重乎

透表○癩疹無問尖大細小必得透表可無後患其
有一種匾潤嫩赤成塊塊上復有小粒平塌不起者
亦有一片如風毒偏高紅腫但頭粒不尖二者雖透
其中必有熱邪留伏防有他變並宜竹葉石膏湯去
半夏以滋化之縱有餘熱從此渙散矣

不透表○癩出而皮膚乾燥毛竅竦慄不能透表者
風寒鬱遏也越脾湯葛根解肌湯隨輕重取用其有
表虛不勝踈透者一味葱白濃煎時時與之但得微

汗卽解若頭粒隱隱紅紫一片而不透表者火毒熾盛也。白虎湯加荊芥黑參如肌膚不燥唇色淡白二便如常而不透者中氣本虛也。消毒飲加連翹木通車前茯苓雖有蘊熱不可輕用寒涼卽用峻劑升發亦必不能復透。但當解利使之內化爲主。亦有胸背腰腹煖處起發而紅頭面手足乍有乍無此證必纏綿難已。且有沒後五七日復發如前兩三次而愈者此氣候之異常非不透之比。祇宜辛涼透表漸次向安。欲求速効轉增危殆。

發早○麻出未經三日或爲風寒外鬱或熱邪內陷或誤食酸收之物一日半日卽沒周身煖處絕無紅影終變危候若雖沒早肌膚煖處尚未全沒急需透表發之不起卽當審其所觸而與內解如外爲風寒所遏邪反內攻而沒早者消毒飲加葱頭熱服復透者吉其則加麻黃穿山甲或越婢三拗選用若不急治必喘脹而死亦有徧身青紫熱腫喘脹氣急此毒滯血凝半匿肌表急投涼膈散去荳硝加麻黃石膏以發越之若腹脹喘促溺瀉臍突者涼膈散加葶藶

庶或可救一二。若內挾痰熱火毒亢劇而伏匿煩躁或腹脹喘急不省人事者。白虎湯加黑參竹葉。若誤食酸醋收斂之物。伏匿壯熱喘欬煩悶。以豬膽汁製甘草煎成。續續與之。得吐微汗爲効。或苦瓠生甘草煎湯灌之。亦能取吐。吐中便有發越之義。誤食豕肉喘脹氣急。枳殼湯加山楂芫荽。以下奪之。誤食核桃喘欬聲痛。消毒飲加石膏馬兜鈴。若得熱退身安氣息漸調者。方可無慮。或大病之後。或洞泄不止。中氣本虛。不能發越。而沒早。惟當健運中氣。畧兼解表清

熱若沒後遍身怪癢者。露風早也。消風散以疎解之。
難沒。○西北水土剛勁。稟質亦厚。麻必五七日乃沒。
東南風氣柔弱。麻出不過二三日卽化。邇來地運變
遷。未有不綿延數日者。當非難沒之比。若三四日後
點燥色白。隱隱於肌腠而難沒者。此必衛氣素微。不
能歛發。或衣被單薄。阻其發越之機。以致綿延多日。
法當辛散透達。不可遽用寒涼。蔽其開泄之路也。
渴。○渴乃肺胃熱盛之候。唇口必紅。二便秘濇者。門
冬甘露飲。若二便清利。唇色不紅。而但渴者。此必寒。

涼太過脾虛不生津液而作渴也。七味白朮散去木香加粳米湯而煩躁者是熱邪凌燄心包。白虎湯加麥冬竹葉正沒時竹葉石膏湯去半夏渴而腹脹者本虛實滯爲難治也。

喘○喘者熱邪壅遏肺竅氣道阻塞而然其證有虛實之分。虛者難治實者易調。虛則小便清利大便溏泄身無大熱雖清痰潤肺多難獲効。實則大便堅燥小便赤濇身發壯熱竹葉石膏湯去半夏加葶仁貝母冬月量加蜜炙麻黃隨手而應若喘而無涕兼之

身扇者不治。大抵未出而喘者易治。沒後喘者難治。初發之時喘者。三拗湯加石膏芽茶。喘而鼻乾口燥者。白虎湯最捷。若見於麻後。又宜清咽滋肺湯以滋肺胃。白虎湯又屬切禁。故曰醫不執方。活法在人耳。氣促。○氣促多。緣肺熱不清所致。初發正出時見之。清熱透肌湯。在正沒沒後。清咽滋肺湯。如喉中有痰。胸膈而鳴者。熱邪阻逆不得發越也。見於初發正出之間。除熱清肺湯。正沒沒後見者。必邪熱未透。或露風沒早。餘熱內攻。而肺氣受傷也。難治。

瘡○肺胃熱邪爲風寒所襲不能盡達於表致盛咽
傷故瘡宜清咽滋肺湯若瘡而腫痛者射干消毒飲
然瘡爲癰疹之常不可與痘瘡比例

搐○搐爲痰熱聚於心包見於初發未透之時清熱
透肌湯加蔓仁竹葉沒後見者難治祇宜輕清之劑
調之不可誤用金石痰涎壅盛者一味栝蒌湧吐之
若搐無痰鳴或白囁指者非眞搐也此爲正虛不能
主持必死不治

𦣻○𦣻者火邪熾盛血隨火載上行而溢於鼻癰疹

初起是爲順候其熱得以開泄不治白已若衄之不止或失血者犀角地黃湯加荊芥穗正沒及沒之後衄仍不止者四物湯加茅根麥冬以滋降之

譫妄。譫妄是熱邪熾盛於心包若發熱正出時見者爲火邪內伏不得透表而致白虎湯加荊芥鼠粘子甚則加麻黃以發越之在正沒及後並宜竹葉石膏湯去半夏加生地黃以清解之

咬牙○痘證咬牙有寒熱之分癰疹咬牙皆爲熱例乃陽陷於陰故多發渴而手足熱喜飲冷者麥門冬

湯加丹皮。若手足不熱而反厥冷。喜飲熱湯。此爲熱邪內亢。後必下血。咽喉作痛。痰鳴而死。卽與白虎湯多不可救。

脣燥。○脣燥多屬脾胃之熱。淡而燥者其熱輕。赤而燥者其熱深。紫黑而燥者熱劇而重也。隨輕重以清潤之。

脣舌破裂。○脣舌破裂者。心脾之火上衝也。其色必多深赤。初發正出時見之。白虎湯加粳連黑參荆芥薄荷。若正沒沒後見者。爲心脾俱絕。及紫黑枯燥而

而不活者皆難治也。

口氣。口氣穢濁乃熱邪蘊隆於胃。清胃散加石膏連翹生甘草。其有臭不可聞者。此胃敗也不治。若其人本有是證。不在此例。

舌胎。舌者心之苗。麻本火候。心屬於火。故舌多有胎。白爲肺熱。黃爲胃熱。但當清解疏利。更參外證。而爲施治。純黑爲心絕。黑而溼者。熱淫血分。黑而燥者。熱淫氣分。皆爲危候。並宜白虎湯。溼者加生地黃。黑參燥者加麥冬。竹葉。黑色漸退者吉。不退者死。

口疳○牙疳腐爛是熱留陽明餘毒上衝所致。加味
清胃散加石膏荊芥大便秘者當歸散微利之外用
栗根白皮煎湯漱淨以無比散或燒鹽散吹之。如通
齦色白者自外延入內者無膿血者齒落口臭者喘
促痰鳴者皆爲不治。若滿口唇舌黃赤白爛獨牙齦
無恙者此爲口瘡非牙疳也。亦胃中餘熱未盡毒壅
上焦二便必多艱澀。導赤散以瀉心脾之火外以綠
袍散敷之。

腹痛○腹痛之由不一總爲火毒內鬱或風寒壅遏。

或飲食停滯。皆能致痛。於發熱正出時。風寒壅遏。而反內攻而腹痛者。急與疎表。痲透自己。若飲食過傷。腹滿脹痛者。力爲消導。其痛自除。時當正沒。沒未盡而腹痛者。兼清中外。而痛自止。沒後見者。分利餘熱。其痛自愈。又須驗其有無他證。屬虛屬實。而與治之。若熱邪內結而腹痛者。通利大便爲主。有痲後脾氣不調而致腹脹。面目四肢浮腫。分利小水爲要。至若元氣大虛。陰陽不能升降。小水不利。遍身浮腫喘促。兼見者難治。

便秘○大便秘結。火壅血燥而耗津液。癰疹大非所
宜。無論日期前後。速宜清潤。四順清涼飲甚則涼膈
散以通利之。慎勿遲延。恐癰變焦紫而難救也。大抵
癰疹自出至沒。二便俱不宜秘。秘即微利可也。

溺瀉○小便赤瀉。在初熱正出時。熱邪瀉滲。是爲正
候。沒後見之。爲餘熱下匿膀胱。導赤散加麥冬以滋
氣化利之。仍不通者。必大便秘鬱之故。大便一通。小
便自利。

痢○痢之作痢。爲熱邪內陷。在正沒或沒後而痢下。

色白者黃芩湯加防風枳殼。下膿血者白頭翁湯去黃芩加防風。或因食積而滯下者枳殼湯加槿蘗木。通腹中作脹時痛時止者厚朴湯亦有瀉久而成痢者。乾薑黃芩黃連人參湯。自始至終痢不徹者必有風毒留滯於內。則宜解毒行滯而兼疎風實脾。庶幾克應。如痢下紫黯如癰膿。如屋漏水。如雞肝色。如黑豆汁之類。加之氣喘躁渴熱甚發呃噤口不食。羶色紫晦者。皆死不治。

下蟲。○下蟲多見於沒後。此以胃熱少食。蟲不能安。

而下也。與過食傷中。壅不能容而下不同。但須調其飲食自愈。非上出之比。不須治之。

睡○癰疹正出時。精神困倦。沉睡不醒者爲逆。蓋緣正氣虧損。邪火內鬱。正氣不勝所致。若沒後而沉睡不醒者。爲氣血俱虛。補脾養血爲要。如沒後煩擾而反不得寐。是餘火復燃。急需滋養陰血。虛陽自斂。亦有昏睡不知起止。陷其夾車合谷。不知疼痛。似寐非寐。無間正出沒後。良非吉兆。當察其兼見何證。而與施治可也。

不食。不食是胃中邪熱熾盛不可強與。雖數日不食亦無妨害。在初發正出時。白虎湯加荊芥蘇透熱清。自能食也。沒後不能食。不劑清胃散。諒加健運之味。元氣委頓者。急需培補。防有虛羸之患。鼻扇。鼻扇者。肺將絕也。若兼喘滿痰鳴。此必不治。如咽喉清利。無喘滿而精神不減者。可治。宜滋培肺氣為主。沒後見者死。胸高。麻疹胸高。肺熱熾盛而脹也。多見於正沒沒後。爲肺經壞證。不治。

身冷。○麻爲肺胃邪熱所發。本屬於陽。肢體常宜溫。
煖。若反清冷如冰。是爲逆也。其有沒後。遍體溫涼如。
故。獨下體厥冷過膝者。爲腎敗。不治。如初出腰已下。
不熱。毒不能透而反漸沒者。亦爲逆候。急當溫養脾。
腎。或有得生者。

妊娠。○麻屬火候。最易墮胎。若初發正出時。須驗其。
色之紅淡。熱之重輕。而與疎解。疎解之中。佐以清涼。
滋血安胎爲主。四物湯加條芩。艾葉。荆芥。紫蘇之類。
若胎氣上衝。急用芩根。艾葉煎湯。磨檳榔。續進以降。

之一切實脾行氣溫燥之藥既發癰疹復傷子氣咸須禁之。

虛羸。癰患既平形體羸瘦精神倦怠飲食減少或欬嗽不止或便泄不已或身熱不除皆真元虧損恐成勞瘵並宜製和湯去川芎以和之嗽加橘紅貝母欬加麥冬百合瀉加白朮菟豆食難消化加砂仁穀芽氣血俱虛合四君子湯隨證調之切禁寒涼傷犯脾胃之藥專力資培緩圖平復可也。

癰瘡。癰後發瘡多緣生水澡浴太早水氣留泊肌

滕而發。但須日以荊防艾葉煎湯洗之。勿用生水。亦不可用瘡藥熏塗。失治必每歲依期而發。雖云小疾。亦須慎之。

水痘

水痘者。色淡漿稀。故曰水痘。色赤者曰赤痘。將發之時。亦皆發熱。由紅點而水泡。有紅盤。由水泡膿泡而結疔。但水痘則皮薄。色嬌。赤痘則紅潤。形軟。總不似正痘之根窠圓淨。緊束也。且見點起發。痘漿結止。於五六日之間。其邪氣之輕淺可知。皆由風熱鬱於

肌表而發。小兒肌肉嫩薄。尤多此證。當與大連翹湯
引之。亦有夾疹而出者。有夾正痘而出者。若先水痘
收後而發正痘。其痘必輕。

附種痘說

痘本胎毒。根於先天。發則出於時氣。以故沿門合境。
安危相率。與疫癘傳染無異。且多外挾風寒。內停宿
滯。及乎跌撲驚恐。爲患種種。匪可意料。自伏波迄于
天生天殺。莫可誰何。邇年有種痘之說。始自江右。達
於燕齊。近則通行南北。詳究其源。云自玄女降乩之

方專取痘氣熏蒸發兒胎毒於安寧無病之時則開
發之機裕如。不似正痘之天人合發。內外合邪。兩難
分解也。原其種痘之苗。別無他藥。惟是盪取痘兒標
粒之漿。收人棉內。納兒鼻孔。女右男左。七日其氣宜
通。熱發點見。少則數點。多不過一二百顆。亦有其症
稍見微腫。胎毒隨解。大抵苗毒則順。必然之理。若痘
漿不得益。痘痂亦可發苗。痘痂無苗。竊則以新發痘
兒所服之衣。與他兒服之。亦能出痘。總取同氣相通
爲胎毒之嚮導。其盜機也。天下莫能知。而聖功獨知。

或有熱發出遲點不卽起。或雖發於癩疹之中。用藥扶持者。悉如正痘法調理自安。當知胎毒有恨症。變無窮。况苗發之痘。旣無客邪鼓動血氣。勢無壅滯燥。乳之虞。正氣內守。雖滯身穢氣。無妨礙。肌痧後無癰痕。口鼻亦無殘廢之厄。允爲避險就安之捷徑。若有意外之變。此兒正氣內奪。加以客邪交迫。將動必潰。命之制在氣道之理也。值此而與種痘。未有不告變者。故凡病後之兒。及顏色太嬌。骨幹太弱。肌理太疎者。皆未可以輕試也。其於痘證初行。疫邪方熾之

時切須避其銳氣。當俟大勢稍平。方可施補。天浴口之妙用。其間或有不順者。此必苗非順。痘醫非慣家。是不能無揠苗助長之憾。然皆方士之所爲。人知其神之神。而不知不神之所以神。吾以靜眼觀之。曷若順天隨時。不假強爲之爲愈也。